



光緒順天府志

金石志
歷代下
序志
志例
附錄
引用書目

ル 5
1481
65





門外 卷
凡 5
1481
65

金石志三

光緒順天府志一百二十九

歷代下

江陰繆荃孫纂

金

太祖平遼碑 佚

金石考韓昉撰宇文虛中書在城南豐宜門外今未見

太祖睿德神功碑 未見

金韓昉傳作太祖睿德神功碑當世稱之按太祖陵在房山未知此碑尚存否

比邱圓委為父母建佛頂諸雜陀羅尼幢

存 前經後記 八面正書 天會五年

二月十二日 前在明天順元年題 記 在京師外城三轉橋華嚴寺 募化大悲禪院碑 未見

金石考天會六年立在大興閻家莊



延壽寺尊勝經幢

存 鄭無常建 八年十月四日

入面刻

正書

天會

觀音甘露破地獄淨法界真言幢

存 四面刻佛像 天會九年四月

正書

天會九年四月

後有明成化五年再修記 在京師外城鬲然亭慈悲庵

智度寺邑人供塔碑銘

存 李端謀撰

沙門法誦正書

額正

天會十年六月二十日 在涿州智度寺

寺度

碑載涿州城東北隅智度寺中有塔為如來具體之一郡人周

永逸楊遵式倡眾興供佛塔當四月八日如來降生之辰其事

最侈陳因以刻石前列鄉人將仕郎試大理評事李端謀撰同

泰寺沙門法誦書後列邑長彰信軍節度使金紫崇祿大夫檢

校大夫保知涿州軍州事清河縣開國子食邑五百戶張元徵中

散大夫起居郎同知涿州軍州事都騎尉東陽縣開國男食邑

三百戶賜紫金魚袋甯獬涿州軍事判官文林郎試秘書省校

書郎張綱按元徵見金史張汝弼傳云父元徵彰信軍節度使

元素之兄也此碑所署銜與史合惟崇祿大夫不載百官志致

遼史百官志崇祿寺避太宗諱光改階光祿大夫者皆易崇祿

意金之初尚襲其制未及釐正也與甯獬階中散大夫志稱中

散為內侍之階天德創制今加于文職事官大金國志五品謂

文臣中散大夫至朝列大夫是其徵也都騎尉及秘書省皆與

志騎都尉秘書監不符都騎尉或上石者倒訛又省監亦可互

稱故云然

授堂金 石續跋

霸州大城縣重修廟學記

存

劉光國撰 二年十二月

正書

天會 在大城學宮

王壽造陀羅尼呪幢

存

二月十一日 在涿州張相公廟

正書

天會二年四月

雲居寺孝公塔幢

存

前陀羅尼呪後記 在房山

正書

天會 在房山

禪師遺行碑

存

韓昉撰 在宛平西山戒壇寺

正書

天德

順天府志卷之三十一

按天下金石志有金戒壇波離尊者碑即此

淨土寺沙門修法塔銘幢

存 門人道開撰正書 貞元四年正月十二日 在通州城東南隅

按貞元無四年此刻在正月猶在未改元之先

漁陽重修宣聖廟學碑

存 施宜生撰正書 正隆元年 在薊州學宮

良鄉縣宏業寺悅禪師塔記幢

存 前經後記 八面刻 正書 正隆二年三月十八日 在房

山城內大寺

陀羅尼經幢

存 前經後記 八面刻 經梵書記正書 正隆二年 在房山

雲居寺重修釋迦佛舍利記碑

存 李構撰正書 正隆五年七月 在房山

碑前題朝列大夫前行代州五臺縣令騎都尉賜紫金魚袋李構撰無書人姓名其序藏舍利事當重熙中有郡守侍中劉公六符與寺僧可信藏俊智通文密等相謀踵興至大安八年屢有修建其餘夸飾之詞不足錄也後序中都寶塔寺前三學律

主傳妙大德知殊初由本科試中于有司特補崇議大德領前件職大金國志記浮圖之教不載僧職皆由試受輒為舉此補逸六符遼史有傳重熙初遷政事舍人擢翰林學士十一年使宋還為漢人行宮副郎署又加同中書門下平章事出為長甯軍節度使俄召為三司使其于為涿州郡守侍中未及也

授堂文字續跋

頭陀大師靈塔實行碑

存 僧知心撰善進正書 大定元年 在薊州空同山日照寺

龍泉寺碑記

存 侯邦達撰正書 大定三年歲次癸未十月戊午朔十六日癸酉庚時建 在永清信安鎮龍泉寺

曹瑛建甯國寺碑 未見

金石考大定三年立在東安留犢里

吳萸寺碑 佚

金石考大定四年立南山磨石口隆恩寺

慧聚寺通妙大師塔碑存 蔡珪撰 高衍正書并篆額 大定五年三月生日 在涿州清涼寺

定覺寺碑存 僧道照正書 大定五年 在東安本寺

甘泉寺行通塔記存 僧圓照撰 正書 大定五年 在薊州盤山本寺

金章宗仰山詩佚

按全金詩一載此詩云金色界中兜率景碧蓮花裏梵王宮鶴
驚清露三更月虎嘯疎林萬壑風注燕京西七十里仰山峯
巒拱秀中有平頂如蓮花心旁有五峯曰獨秀翠微紫蓋妙高
紫微下多禪刹章宗游幸有詩刻石長安可游記云下黃牛岡
口取仰山道轉一岡為南莊復歷峻坂土中有三斷石讀之乃
知為大興府西連山棲隱寺金大定初建有五峯八亭章宗詩
刻今亡矣畿輔石刻目作大定八年

日照寺圓霞塔記存 孫設撰 正書 大定九年 在薊州盤山本寺

廣濟寺舍利塔銘存 正書 大定十年四月 在寶坻

天開寺觀音院寺主源公塔記存 前記後呪 比邱善崇正書 大定十二年十一月 在房山

潛寺主靈塔銘存 正書 大定十年三月 在涿州

潭柘寺碑佚

金石考楊節度撰大定十三年立

華嚴堂施錢記存 劉天甫撰 正書 大定十四年十五日 在房山陳令望心經碑陰

竹林寺奇和尚塔銘存 沙門廣善撰 姚亨會正書 大定十五年五月 在宛平潭柘岫雲寺塔園

禮部令史題名記存 党懷英撰 行書 大定十八年八月立 後人續題至明昌三年止 在京師外城法源寺

按金史百官志禮部令史十五人內女直五人譯史二人通史一人此碑題名凡二十六人不見有女直譯史通史之別文云

大定乙酉既刻題名至崔君穎士迺更刻石悉書鄉里官品與夫入部出職歲月今碑題名始于大定八年正是乙酉歲是合前後并刻也但所書止有到部年月並無出職歲月與記不同題名自大定八年至明昌三年而止凡二十五年此後不復續刻禮部官品止於主事其令史有官無品職亦卑矣乃刻石題名為諸部倡亦是勤于職業之一端然未見諸部有碑能仿而行之者獨此碑流傳於世亦可珍也堯懷英作記歲在戊戌為大定十八年傳稱懷英字世傑馮翊人大定十年進士除汝陰縣尹國史館編修應奉翰林文字翰林待制兼同修國史能屬文工篆籀當時稱為第一据此碑結構是尙未官待制時也題名諸人史俱無傳

三泉寺碑 存 正書 大定二十四年四月 在平谷雞足山下馬家莊東北

何淵等為亡考造陀羅尼經幢 存 八面刻 正書 大定二十年歲次庚子七月二十二日甲申

涿州在

王彥珍造陀羅尼經幢 存 八面刻 正書 大定二十年十一月一日 在永清石各莊寺內

瑜珈院主崇公靈塔記 存 正書 大定二十年 在房山辦香庵

艾宏造經幢 存 八面刻 正書 大定二十年三月 在涿州張相公廟

報先寺尼淨墳石幢記 存 沙門裕賢正書 大定二十五年 在房山

永安寺碑 佚

天下金石志李晏撰正書大定二十六年宛平香山寺

文宣王廟碑 存 黃久約撰 李嗣周正書 堯懷英篆額 大定二十七年正月九日 在涿州學宮

范陽舊有夫子廟在城東南貞元五年盧龍節度劉公所建遼統和中始移置于此大定二十三年冬汾陽郭侯預自尚書郎出殿是邦周覽庭宇憫其敝陋與僚顯武將軍梁微先共謀斯

舉起二十五年夏四月二十日癸丑訖五月八日庚寅前列銜
少中大夫左諫議大夫兼尚書禮部侍郎翰林直學士知制誥
上輕車都尉江夏郡開國伯食邑七百戶賜紫金魚袋黃久約
撰承德郎充翰林修撰同知制誥兼修起居注國史院編修官
飛騎尉賜緋魚袋党懷英篆額後列西溪李嗣周書不與撰文
篆額同名位懸殊故也立石者少中大夫行涿州刺史兼知軍
事提點山陵輕車都尉太原郡開國伯食邑七百戶郭預金史
世宗紀大定八年十月以涿州刺史兼提點山陵與郭預題銜
合顯武將軍涿州倉都監兼軍資庫事騎都尉安定縣開國男
食邑三百戶梁徽先黃久約傳略其階勲及爵懷英傳亦失載
階勲與充翰林修撰兼修起居注官皆宜以碑補之曰下舊聞
據涿州志錄此文多刪削亦由未見石本也

授堂金石文字續跋

龍泉寺言禪師塔銘

存 祖敬撰 正書 大定二十年六月

魏佐造尊勝經幢

存 先兪後記 入面刻 正書 大定二十九年歲次己酉九月甲戌朔二十八日己酉

在涿州 清涼寺

重修白岩寺記

未見

盤山志僧志恒撰大定中立在薊州盤山

圓新和尚宰堵坡記

未見

盤山志僧法銓撰大定中立在薊州盤山

左丞相唐括安禮碑

佚

玉堂嘉話燕城西南門曰端禮有大定末劉無黨所撰唐括安

禮碑

贈儒林郎清河張君墓碣

佚

金石考明昌二年在固安押敵村

為先亡老娘造隋羅尼幢 存 先經後記 八面刻 梵書記正

十一月 州奉先縣懷玉鄉樹西

孝義鄉王順及妻張氏造經幢 存 八面刻 正書 明昌二年

張靈寒為祖父母造陀羅尼經幢記 存 八面刻 正書 明昌三年

歲次庚子庚午朔十六日乙酉

右幢文字訛闕多不可曉幢為八面四正刻陀羅尼經咒四隅

刻右款文末書明昌三年歲次壬子庚午朔十六日乙酉丁時

建奉先主特建佛頂尊勝陀羅尼幢作磴盧作窠朔作勝此類

甚多明昌金章宗年號也

廣濟寺口公和尚塔銘 存 六面刻 正書 明昌

秘書省碑 佚 三年三月 在寶坻本寺

析津志趙諷撰党懷英篆書明昌四年立在舊城宏法寺

潭柘寺僧重玉從皇帝龍泉寺應制詩 存 正書 明昌五年十

古管寺碑 佚

金石考明昌五年

團城寺碑 佚

金石考明昌六年

漢清河張秀墓碑 佚

元夏以忠昭佑靈惠公廟碑云啟土得明昌六年石刻紀後漢

將軍沒于是邑而葬焉

淨土寺恭禪師尊勝真言幢 存 前經後記 八面刻 姜德升

在通州大

重修蜀先主廟碑 存 王庭筠撰 行書

右涿州重修蜀先主廟碑王庭筠撰字體遒勁郝陵川所云書

法二王作真行得意頗勝如時花者也朱錫鬯日下舊聞載此碑全文但改題中蜀先主為漢昭烈帝又脫落三十餘字舛誤者亦數字皆當據石本正之張桓侯字益德見於蜀志本傳惟世俗所傳三國演義譌益為翼錢遵王謂內府板演義猶未譌此碑本作益德而日下舊聞亦譌為翼蓋錫鬯得之傳抄未嘗

親至碑所也潛研堂金石文字跋尾

三英寺故英上人塔記存 釋覺聰撰并正書 承安四年五月生日 在寶坻

僧竹臻塔幢記未見

金石考承安五年四月立在玉河鄉廣濟院

心經存 承安五年七月 在通州城隍廟

龍泉寺口公和尚塔記存 正書 承安五年 在承清北門樓下

謙公法師靈塔記存 六面刻 正書 首行標題篆書 泰和元年二月十三日 在房山雲居寺

雲居寺豐公和尚靈塔記存 趙仲先正書 泰和元年 在房山

雲居寺廣公和尚靈塔記存 正書 泰和二年十月 在房山香樹庵

了公禪師塔銘存 沙門德潤撰 正書 泰和四年四月 在宛平潭柘寺

太師梁忠烈王祠堂碑佚

元一統志玉虛觀中有故太師梁忠烈王祠堂王諱宗弼乃太祖武元第八子金泰和四年八月道士高守冲為之立碑其文亦龐鑄所作

清涼寺女冠卜道堅昇雲幢存 八面刻 正書 泰和六年四月 在良鄉寶店

重修玉虛觀三清殿記佚

元一統志玉虛觀在舊城僊露坊金泰和六年尚書戶部主事雲騎尉龐鑄所撰重修玉虛觀三清殿記文簡而理明

金延壽寺記佚

金石考路鐸撰泰和六年八月立

紫虛觀碑 佚

金石考龐鑄撰泰和八年立

金章宗飛渡橋飛虹橋六大字 佚

春明夢餘錄云在慶壽寺按書史會要章宗喜作書專師宋徽宗瘦金書考王惲秋澗集慶壽精藍丈室之前松樾盈庭景色蕭爽嘗引流水貫東西梁今水堙橋廢止存二石屏上刻飛渡橋飛虹橋六字筆力遒勁勢極飛動有王禮部無競風格寺中相傳金道陵筆也

章宗棲雲嘯台題字 佚

天下金石志章宗游駐蹕山題刻於石

六聘山天開寺懺悔上人墳塔記 存 王虛中撰 賈澂正書 大安元年 在房山上方寺

大興隆寺碑 佚

金石考李晏撰

慶壽寺碑 佚

格古要錄党懷英分書明正統中為中人所毀即今雙塔寺

曹娥碑 佚

宋史謝枋得傳至燕遷憫忠寺見壁間曹娥碑泣曰小女子猶爾吾豈不汝若哉不食而死

節度使巨構墓碑 未見

金石考在平谷縣南八里

飛騎尉兼管常平倉李成彥碑記 佚

固安陳志在學宮

萬壽王碑 未見

帝京景物略嘉禧寺西二里金萬壽王家一穹碑子立田畔按
夢餘錄墓在阜成門外

大覺寺記 佚

東安李志張瓚撰

葛山重修龍福院記 佚

見薊州沈志

香水院殘碑 佚

景物略金章宗設入院游覽此其一院草際斷碑香水院三字

尚存

建塔人名碣 佚

盤山志

慶壽提點裕公塔銘 佚

金石考在盤山白岩寺

延壽寺清淨光相陀羅尼幢 存 梵書 四面佛像 在京師外城木寺

尊勝陀羅尼真言幢 存 正書 佛像四面 在京師外城木寺

高主造陀羅尼幢 存 正書 前經後記 八面刻 在永清西義河村

右幢在西義河村幢分上下兩層層各八面上層小書方五六
分下層大書方徑寸餘題款如右但不載年月以官階推之當
是金時制也唐人重郡望李必隴西劉必沛國流弊相沿至此
幢上文明用永清縣景隆鄉而下猶稱隴西郡李則習俗之不
察抑又甚矣又殿試亦入官銜而下有前鄉貢蓋鄉舉而未經
省試之稱其前鄉貢則省事下第須待再舉者也此固唐宋通
制金仍用之遠則無是制而元則當稱京師不當稱燕京三司
官也

阿闍如來減釋重羅陀羅尼幢存 八面刻梵書末行首行 正書 在涿州張相公廟

廣惠禪院秘密真言幢存 比 正書 在房山廣惠庵 梵書 在房山廣惠庵

盤山紅龍池題字存 正書 在薊州盤山

元

長春真人成道碑佚

姬志真長春真人成道碑大定丁亥重陽真人自陝右來真人師之同志有馬丹陽譚長真劉長生王玉陽郝廣甯各得所傳重陽既逝真人乃遊秦隴戢志礪溪大定戊申金世宗徵赴闕特旨住全真堂辛亥復居濱都之太虛觀已卯冬赴召及見帝問以長生之藥真人曰有衛生之經無長生之藥帝嘉其誠每召就坐即勸帝少殺戮及慈孝之說癸未春敕建長春宮仍賜金符其徒得乘傳往還

按癸未為元太祖之十八年

長春宮記佚

元一統志長春宮之南有觀曰元禧昔開遼坊李忠道者嘗建長春真人堂于此以奉香火甲午夏忠道以地歸之真常李公乙未秋道眾雲集觀始創建真常公名以元禧北平王粹記其本末云

按乙未為元太祖之三十年

長春真人本行碑佚

甘水仙源錄陳時可撰立於丁亥為太祖之二十二年

史氏慶源碑存 崔鉉撰 平元正書 趙安世篆額 歲在 庚子九月丙戌十八日戊寅 在永清焦堡村

按庚子為太宗十二年碑載其三世子女嫁娶最詳秉直長女為太師國王夫人其事不見於宅書史氏父子兄弟各以功名

自立要亦連姻貴族所致論史者不可不知也

義州節度使北京路兵馬都元帥史進道碑存 段紹先撰 平元正書 趙安世篆

額 乙巳年五月 在焦堡村

按乙巳歲太宗皇后稱制四年進道為秉直之弟職亦不卑元史不見其名得此可補元史之闕

尚書史秉直神道碑存 劉祁撰 平元正書 趙安世篆 歲乙巳九月四日 在焦堡村

按秉直元史附見其子天倪傳

潭柘寺歸雲禪師塔銘存 陳時可撰 正書 大朝丁未歲三月 在宛平西山本寺

按丁未為定宗二年

重修蘆台興寶聖母廟記存 趙鑄撰并書丹篆額 丁未歲四月望日 在甯河

張鉢信順造尊勝經幢佚

詠歸錄普元奴立大朝歲次己酉年十一月十七日立在玉河

鄉池水村

按己酉為定宗四年

棲雲觀碑佚

至元辨偽錄盤山中盤法興亥子年間天兵始過罕有僧人甘泉本無元和尙之嗣振公首居上方椽粟充食以度朝夕全真之徒挾邱處機之力謀占中盤乃就振公假言借住振公允之既居久遂規永定王道政陳知觀等拆殿宇毀佛像冒奏國母太后立碑額為棲雲觀寺內古佛舍利塔高二百尺及正殿三門一并拆毀至乙卯後上方長老雲公忿其無禮碎其碑奏告皇帝又共那摩大師少林雲庭福裕禪師朝覲具陳其事改正其弊仍為僧院戊午年九月初四也

按乙卯為憲宗之五年此碑之立當在其前

上萬村重修興聖寺記

存 僧從倫撰并正書
已未三月 在房山

按已未爲憲宗九年

慶壽寺西堂海雲禪師碑

存 王萬慶撰
正書 在雙塔寺

元慶壽西堂海雲禪師碑燕京編修所次二官黃華後人熊岳王萬慶撰文稱禪師名印簡曾爲金衛紹王知遇我大蒙古國聖祖成吉思皇帝太宗合罕皇帝暨今蒙哥皇帝累降詔旨與宗崇教並尊禮海雲命爲天下僧衆之首萬慶承護必烈大王之命爲作道行碑按蒙哥憲宗御名此碑立于憲宗時故但稱蒙古且無年月其時未有國號及紀年也考元史本紀太祖諱鐵木真卽位于斡難河羣臣上尊號曰成吉思皇帝二十二年崩至大二年追謚法天啟運聖武皇帝廟號太祖太宗諱窩闊台卽位于庫鐵烏阿刺里十三年崩追謚英文皇帝廟號太宗

據碑則太祖于憲宗時已加廟號曰聖祖而太宗卽位時羣臣會上尊號曰合罕皇帝本紀皆失載惟劉秉忠傳載其侍世祖潛邸時上書稱合罕皇帝聖旨此號僅見于此傳而世不知爲太宗宜據此碑以補本紀護必烈卽忽必烈世祖御名紀稱憲宗卽位同母弟惟世祖長且賢憲宗盡屬以漠南漢地軍國庶事此海雲立碑必請命于皇弟也秉忠之侍世祖實由海雲薦之事亦見秉忠傳題曰燕京編修所次二官者太宗八年耶律楚材請立編修所于燕京經籍所於平陽編集經史召儒士梁陟充長官以王萬慶趙著副之王圻續通考載此遺漏燕京一語疎矣其曰黃華後人者王庭筠號黃華萬慶殆其裔耳予嘗見至元辛卯交城縣萬卦山天甯禪寺碑陰有燕京慶壽寺住持僧印一名又虞氏集稱延祐甲寅息齋爲太常博士寓慶壽

寺息齋爲李衍之字而陳孚遊慶壽寺詩有金碧樓臺護紫霞之句其鉅麗殆可想見今在西長安街俗呼雙塔寺僅存數椽餘悉入民居乾隆庚辰春余罷官無事閑坊冷巷恣意搜討因訪得此碑下半截陷土中余欲發土讀之而居人堅不許乃止竟未能得其全文不禁爲之悵悵也

西莊集

弋穀尹宗師碑

佚

甘水仙源錄元中統二年立

興禪寺重建大殿碑

佚

日下舊聞考引圖經提舉學校王萬慶撰并題額中統三年六月

長春宮瑞應記

佚

甘水仙源錄長春宮方丈西有堂曰萃元側有小樓積書萬卷

眞常李眞人以鎖鑰付張志敬恣所窺覽大暢元旨中統三年制曰元門掌教眞人張志敬自童子身著道士服志行修潔問學淹該甫逾不惑之年純作難能之事增光前輩垂法後人可賜號光先體道誠明眞人至元二年就長春宮設金籙大醮有羣鶴翔舞下掠壇墀去而復來者累日天子命詞臣作瑞應記刻之碑

興寶聖母廟記

佚

寶坻洪志翰林直學士高鳴撰至元二年

昭勇大將軍中都路總管郭汝梅新塋碑

存 王鶚撰 正書 至元三年三月 在通州

大都城隍廟碑

未見

金石考任栻撰李郁正書至元五年六月在京師內城都城隍

廟

國子監題名記 未見

菴竹堂碑目劉謙重立至元六年七月

玉虛觀大道祖師傳授碑 佚

元一統志參知政事楊杲撰商挺書至元七年

天慶寺碑 未見

金石考王惲撰并正書至元九年在天壇北藥王廟西天慶觀

洞神觀記 佚

元一統志洞神觀在舊城有虛舟老人太原李鼎所撰記葆光

大師谷神子所創建也葆光先就雲中拜長春為師傳法於圓

明普照崇德宋真人其道行皆見于記至元十一年提點洞神

觀事王志謙立石

左丞相贈太尉中書史天澤神道碑

存 王磐撰 正書 郭貫篆額 至元十三年三月

在永清大焦堡

丹陽觀記 佚

元一統志丹陽觀全真道士通元子劉君所建也通元子年二

十餘辟王府參謀委任近密一日散財棄妻子修全真教所交

遊達官貴人競施財物助之買地致材以建此觀至元十六年

冬翰林學士王磐撰記

四國公配享記 佚

畿輔石刻目潘迪撰並正書至元己卯

石鼓文音訓并記

存 潘迪記 分書音訓正書 篆額 至元己卯五月 在國子監

按音訓中間有攷證舛誤者如第一鼓茲目寺當是持字與下

文秀弓寺射義同其來大卽案鼓中卽字皆書作𠄎而宋本大

字下尚存半字作𠂔則非卽字第二鼓君子溥之案周禮漁作
𩇛廣韻𩇛同漁溥字疑卽𩇛𩇛二字省文籀文加水爾其字當
从支篆文与與𠂔相似此云籀文漁从寸臆說也第三鼓田車
旣安旣字當從宋本作孔其口𩇛口𩇛字下石本並無空字第
四鼓彤矢口口矢下止應空一字當是重文成句第五鼓洙口
至自廡中空十二字末云墨本舊有濩濩迄湧盈濟君子卽涉
流汧毆洎洎濩濩舫舟西遑湯湯戶二十餘字今按宋本作洙
口疑灑字鄭云
濟郭云濕君子卽涉馬口楸汧毆洎濩口口舫舟口遑湯
戶自廡中有二十字迄湧之前亦無濩濩二字遑上作厶釋爲
西字恐亦未確第六鼓猷作臯柞盪衛三行之上旣知其闕二
三字則並應列一空格又除師𠂔𠂔今本𠂔猶作阪第七鼓首
行而字上應空數字後字之下具肝之上應空二字第八鼓末

云施氏墨本有馬薺哲若等字按薺字宋本作薺說文薦獸之
所食艸也莊子齊物論麋鹿食薦此云馬薦當是馬食之艸下
二字應就艸言義故三字皆從艸說文艸部未附諸字云左文
大篆皆从艸此鼓薦薺二字及第五鼓濩濩字並从四艸與許
慎說合益信此爲大篆無疑也第九鼓丙申下應空二字馘下
應空二字馘下今石本尚存半字作馳則非識字第十鼓載北
之下尚有勿口勿代數字玦甯宋本甯作寓口鹿口口避口其
口口籀鹿下應空一字其下應空四字此類皆潘氏之誤然其
所釋較前人爲長況石刻久與十鼓同列國學後人藉以攷驗
茲故附錄而條辨之其餘摹錄訓釋諸家傳於今者譌謬尙多
不及深論也

崇國寺聖旨碑金石萃編正書 至元二十一年 在

京師內城護國寺千佛殿內

崇國北寺地產圖 存 在聖旨碑陰

涿州文廟四至記 存 趙琦撰 馬仲璉正書 何南午篆額 至元二十二年八月 在涿州學宮

智度寺無住禪師塔銘 存 王頤撰 僧西雲子安正書 安藏篆額 至元二十三年歲次丙戌清明后

六日 在涿州

碑前列翰林院編修王頤撰大都海雲禪寺前住持傳法嗣祖

沙門西雲子安書丹翰林國史集賢院領會通館道教事正奉

大夫安藏篆額無住馬氏諱智廣世居懷慶河內初禮本縣閭

公宗主為師後歷參萬松老人清隱湛公西菴仲休皆有密契

遂為奉聖州前經略使王國寶敬請住持州西雲濟寺又開法

法雲等更主東禪西禪二院最後居北塔雲居今碑所識可按

如是萬松老人僧行秀嘗號萬松野老也 投堂金石文字續跋

純公雲塔經幢 存 沙門正智撰 政元正書 至元二十三年二月 在房山缺上段

黃山玉堂洞天記 存 真常子撰 張志履正書 至元二十五年四月 在房山西北七十里張良洞

元靖達觀大師劉志厚墓志 存 文通廣撰 張志履正書 至元二十五年四月 在房山

元靖大師遺世頌幢 存 正書 在房山

重修延洪寺記 佚

舊聞考引圖經延洪禪寺在遼乾統間稱為甲剎至元朝統御

之初金人南奔兵燼之餘此寺殿閣歸然獨存壬子歲賜白金

為香資至元二十五年中元日住持僧戒海立石紀其事

興聖寺田園記 存 正書 無年月中有戊子年六月施狀附至元二十五年 在房山

大都馬鞍山聚禪寺月泉新公長老塔銘 存 僧從倫撰 正書 至元二十八年 在宛平西峯寺

後東北塔園

房山縣重修天開寺碑 存 額 魏必復撰并正書 沙門居實篆 至元二十八年辛卯月 在房山

碑陰天開寺地畝記 存 讓正書 閭

興聖寺堅公禪師壽塔銘

存 僧居實撰并正書 元三十年三月 在房山 至

贈大道正宗四代稱號碑

佚

元一統志有制贈大道正宗四世稱號碑元貞元年翰林學士李謙撰御史中丞崔彧書碑云自第五代入元朝皆賜號真人其四代宜追賜稱號如全真氏故事制可贈其始祖曰無憂普濟真人第二代曰大通演教真人第三代曰冲虛靜照真人第四代曰體元妙行真人

石鐘銘

佚

國門近游錄甘池村東曰瓦井小庵中有石鐘一上有銘至元

中物

佑聖王靈應碑

未見

金石考韓從政撰許復正書并篆額元貞元年在京師都城隍

廟

創建天寶宮碑

佚

元一統志翰林直學士王之綱撰碑本宮提點陳德元等刻木天寶宮在舊城春臺坊至元八年建十年賜額元貞二年嗣教尊元廣化真人岳德文請之綱作記

崇德祠堂記

佚

元一統志長生觀長春邱仙翁門弟崇德宋真人所創建在舊都豐宜坊有崇德祠堂記長春宮元學講經宣義大師史志經撰

重修城隍廟碑

存

温迪罕德載撰 盧居正書 類篆額 元貞二年五月吉日

在 趙孟 涿州

玉清觀碑

佚

甘水仙源錄趙復撰

重修天長觀碑 佚

元一統志王鶚撰元貞二年立碑云燕京之會仙坊有觀曰天長其來舊矣肇基於唐之開元復於咸通七年及遼摧圮金大定初增修泰和壬戌正月望日焚燬殆盡貞祐南遷止餘石像觀額為風雨所剝委荆榛者有年聖代龍興元風大振長春應聘還命盤山棲雲子王志謹主領興建垂二十年建正殿五間裝石像於其中方丈廬室舍館厨庫煥然一新凡舊址之存者罔不畢具永為聖朝萬世祈福之地顧不偉哉

太乙集仙觀記 佚

戴斗夜談宛平縣京西馮家里舊有太乙集仙觀元元貞元年以其地界純一真人關全祐有粟五千株全祐相栗林隙地重岡環抱下有寒泉旁地衍沃可引灌溉構正殿三楹翼以兩廡

繚以石垣王惲為之作記大德元年刻於石

崇國寺轉長生藏經記 未見

金石考正書大德二年

國子監先聖廟碑 佚

畿輔碑目程鉅夫撰大德三年

仁公塔記 存 僧定正書 大德三年八月 在香河東大寺

重修清河將軍廟碑 存 劉懿撰并正書 篆額 大德三年歲次巳亥八月廿一日 在涿州張相公廟

重修狄梁公祠記 存 宋勃撰 正書 大德四年 在昌平

仰山棲霞寺滿禪師道行記 佚

金石考趙孟頫撰按碑云大德癸卯當是大德七年

涿州新修廟學記 存 李謙撰 大德五年夏六月 在涿州學宮

白雲觀記 存 德八年 宋勃撰并正書 大德五年夏六月 在順義呼奴山

修文廟講堂碑

存 賈庸貴撰 邊守禮正書 蔡欽

昭祐靈顯王廟碑

存 劉懿撰并正書 大德十年歲次

加封聖號詔書碑

存 潘迪正書 謝端篆額 大德十

碑陰題名

正書 歐陽元撰 張起巖正書

成宗皇帝天壽萬甯寺神御殿碑

存 姚慶篆額 大德十一年十

月 在京

加封至聖號制詔碑

存 正書 大德十

碑陰 閣復草書

崇恩福元寺碑

佚

元輿地要覽歐陽元撰大德十一年

陀羅尼經幢

存 前經後記 正書 八面刻

大承華普慶寺碑銘

佚

趙孟頫撰並書見松雪集按碑文應立於至大元年

薊邳雜鈔成化庚寅內官麻俊治宅掘得趙承旨碑復建山門

改賜額曰寶禪寺

崇恩福元寺碑

佚

姚燧撰至大元年見牧庵集

仁王寺恆產碑

佚

虞集撰見道園學古錄

文安重修廟學記

存 尚野撰 正書 至

崇國寺崇教大師演公碑

存 趙孟頫撰并書篆額

慶壽寺大藏經碑

佚

程鉅夫撰皇慶元年夏六月見雪樓集

大都治總管碑

存 王構撰 劉賡正書 王泰亨篆

右大都路總治碑翰林學士承旨王構撰文立言有體集賢大學士劉賡書亦謹嚴不失唐人法度蓋元刻之佳者碑在今順天府公廨大堂前完好可榻而朱錫鬯日下舊聞略不及焉文稱至元丁卯春既城大都卽以路總京畿自乙酉解爲宗正據有而徙之冬官者踰二十寒暑至大初元敕中書還北省而六卿所舍悉如其舊至假屋於民以庀事再徙迄無定所詳其文義蓋自大都路公廨爲宗正所據移治工部者閱二十餘年及中書還北省六部各歸其署由是大都路總管無所容而假屋於民耳孫氏春明夢餘錄謂官署爲宗正所據官吏辦事佛寺中者乃臆說也武宗之世遙授之官眾莫吉以平章政事行大都路達魯花赤王泰亨以平章政事商議中書省事行太子詹事皆非正授故宰相表不列其名碑文撰於至大二年三月至

皇慶二年十月建相距僅四年餘而碑未列達魯花赤總管兼府尹副達魯花赤同知諸人名無一與前同者官吏之輕於更代如此欲其盡心職守難矣泰亨字子通一字仲通晉甯人嘗從許文正公學晚歲自號康莊老人謚清憲潛研堂金石文字跋尾

碑陰記存張養浩撰趙孟頫正書

瞻學田碑存正書皇慶三年在霸州學宮

房山建學碑存魏必復撰在房山學宮正書延祐元年春

鐵師子刻字存正書延祐元年十月在南海子新衙門行宮

圓通寺斷碑存正書延祐元年十月十日在通州張家灣圓通寺

薛禪皇帝聖旨碑存正書延祐三年在房山孤山口西

大覺寺長明燈記存延祐四年十月趙孟頫正書在房山孤山口西

呂梁鎮慶豐觀碑未見

畿輔新志吳善撰趙孟頫正書并篆額延祐四年十月文云建昭應宮於京師和義門外案帝京景物略昭應宮在雙林寺西此碑應在京師又云碑没入土明萬厯間黃猷吉出之未幾復就湮陳邦彥復募夫出之俱有題字

護持天開中院記存 魏必復撰并正書 廉簡 題額 延祐四年 在房山

關侯廟碑存 李全撰 正書 在固安關帝廟 云延祐五年九月 在固安關帝廟

義勇武安王廟石榜存 牛師厚正書 延祐五年九月 在固安關帝廟

薦福寺碑佚

金石考碑云元朝辛亥歲謙公長老興修戊午落成己未立碑蓋延祐六年

國子監崇文閣碑佚

金石考吳澄撰邵文源正書延祐六年

大德加封孔子詔書碑存 正書 下層孔思適等題名 延祐六年二月 在涿州學宮

新修真武廟碑存 張孔鑄撰 劉肅正書 曹勛篆額 延祐七年七月十五日 在涿州真武廟

崇國寺看轉大藏經長供碑未見

金石考正書至治元年在護國寺

重修文廟碑存 吳澄撰 正書 至治二年八月 在通州學宮

元文敏公碑佚

畿輔碑目馬祖常撰虞集書至治二年在京都國子監

天慶寺碑佚

金石考袁桶撰泰定元年正月

義勇武安王廟碑存 李用撰 正書 篆額 泰定元年甲子太歲三月 在京師內城北雙關帝廟

義勇武安王祠記存 遂居敬撰 正書 篆額 泰定三年四月二十日 在雙關帝廟

佛住圓覺大禪師松溪和尚碑存 釋行興撰并正書 李泰一篆額 泰定二年三月吉日 在

山房

大都城隍佑聖王廟碑

存年 正書 泰定三年 在都城隍廟

大興府學孔子廟碑

佚

畿輔碑目揭奚斯撰在京師

重修城隍土地廟記

存 歲次丁卯夏五月己亥朔巳時 泰定四年 在涿州

元應張真人道行碑

存 吳澄撰 泰定四年四月 在涿州

碑前列翰林學士太中大夫知制誥同修國史吳澄文光祿大

夫議中書省事平章王毅書翰林學士承旨榮祿大夫知制誥

兼修國史劉賡篆額元史武宗紀至大元年十二月甲戌以平

章政事商議中書省事百官志至元二十九年罷尙書省增中

書平章為五員而一員為商議省事今碑所題王毅議中書省

事與官制符然志稱成宗元貞元年改商議省事為平章軍國

重事自是不書復置而毅署銜當泰定時仍有議中書省事必

其後更為設員史疏記也毅見泰定帝紀當四年三月召太子

賓客王毅復舊職今所題銜蓋舊臣也賡本傳泰定元年加光

祿大夫案草廬撰碑文自稱泰定二年春於時賡方階榮祿大

夫榮祿次光祿之下則元年必非加光祿矣史載真大道教並

依此碑入傳而事跡特略碑云師張氏乾州奉天人年十六從

天寶李師為道流錫名清志傳不書其籍又倒訛清志為志清

碑云入東海大珠牢山傳脫大字碑書酈希成傳以成作誠凡

是數者悉與碑相違而清志道力所在有神異史慮其跡涉怪

妄削之不書是也若母嘗病疽口吮其膿遂得蘇差又患膈氣

疾幾不掾師禱神進藥不寢食四旬母忽吐涎塊如瓜漸底平

復居喪致哀於儒家喪制不悖此蓋為獨行之尤而不囿於彼

教法者傳惟以事親孝該之母亦沒其實與予故為著之授堂金石

文字續政

順州廟學記存 梁宜撰 正書 泰

武安王廟碑存 天曆元年 韓師夔撰 在宛平榆堡關廟中

東嶽仁聖宮碑佚

日下舊聞考虞集撰分書天曆元年在東岳廟

東嶽仁聖宮碑佚

吳澄撰見吳文正公集

國子監題名記佚

菴竹堂碑日虞集序天曆二年三月

東岳廟昭德殿碑銘存 趙世延撰并正書 天曆三年三月 在東岳廟

御史鄭立等題名存 正書 天曆己巳年五月 在平谷學宮大德詔書碑陰

上卿真人張留孫碑存 趙孟頫撰并正書篆額 兩面刻 碑門外東 在京師朝陽

嶽廟

涿郡歷代名賢碑存 歐陽元撰并正書 張起巖篆額 天曆二年五月 在涿州

碑前列賜進士出身翰林待制兼國史院編修官廬陵歐陽元

撰并書賜進士及第中書右司郎中太子左贊善濟南張起巖

篆額元史列傳起巖遷中書右司員外郎進左司郎中兼經筵

官拜太子右贊善以碑證之實為右司郎中及右贊善傳文誤

也碑据前史所占籍者約其出處大畧刻疏左方自西漢蒯通

迄金梁塘而止然史記淮陰侯傳稱齊人蒯通疑范陽為齊之

近邑與涿郡不相屬又通以辨亂導人背其所主而躋諸名賢

之目採撫失其倫矣碑後載通奉大夫河南江北等處行中書

省叅知政事護軍追封范陽郡公謚端靖弭禮嘉議大夫工部

尚書宋惟忠中憲大夫中山大夫張汝楫奉議大夫大都路涿州達魯花赤兼管本州諸軍與魯勸農事山壽等立石案弭禮官至叅知政事史既無傳特書銜于此而碑記諸賢皆書名獨昭烈帝稱字特例書之尊之也碑未金玉府石匠頭目中統二年初立金玉局至元三年改總管府故署金玉府者以此授堂金石

文字續跋

重修雲居寺碑

存 鄭熙撰并正書 至順元年在房山

加封孔子父母夫人暨四配制辭碑

存 正書 至順二年九月 在京師先師廟

重修大都城隍廟碑

未見

畿輔新志虞集撰康里巉巉正書至順二年在城隍廟

碧雲寺碑

佚

金石考至順二年立在香山寺中

大承天護聖寺碑

佚

日下舊聞攷至順三年

霸州宣聖廟學記

佚

黃潛撰至順三年見黃文獻集

國子監官舍記

佚

畿輔碑目至順三年

大興題名記

未見

訪碑錄索永魯翀撰遠居敬正書至順四年春月在順天府署

雁奴壙銘

佚

人海記張中丞養浩為其子作

潞陽郡公李廷墓志

佚

通州舊志南臺坡在舊城南關有元潞陽郡公李廷墓天啟初

水潦岸崩志石盡露乃藝文監丞揭傒斯所撰元統二年二月
土人錄其文仍捨之

碧雲寺碑 佚

金石考元統三年立在碧雲寺中

雲居寺藏經記 存 釋法禎撰并正書 陳顥篆額
後至元三年六月一日 在房山

天開寺重建碑記 存 僧福珪撰 正書 必刺篆額
後至元三年四月望 在房山

檀州重修夫子廟碑 存 王思誠撰 張嶼正書 後
至元四年十月 在密雲學宮

碑陰 存 崔崇禮撰 劉元修正書

重修華嚴堂經本記 存 賈志道撰并正書 至
正元年五月八日 在房山

李文珍孝行記 存 正書 至正
元年 在東安

重修昌平縣儒學記 存 馬房輝撰 正書 至正
二年正月既望 在昌平學宮

盧孝妻祝氏墓志 佚

至正二年見耳談按文載列女傳

涿州重修孔子廟碑 存 蔡欽撰 王惟麟正書 王良篆
額 至正二年夏六月吉日 在涿州

永貞觀石額 存 正書 在昌平 至正
三年 在昌平

紅螺山重修大明禪寺碑 存 樊從義撰 王與正書 張棊
篆額 至正四年六月 在懷柔

大都路城隍廟碑 未見

畿輔新志余闕撰莊文昭書至正四年九月在都城隍廟

加封靈惠侯廟碑 存 郭繼祖撰 李彥彬正書 王良篆額
至正五年歲次己卯二月吉日 在張相公廟

石臺佛經 存 蒙古畏兀女真梵漢五體書
至正五年 在昌平居庸關

按元史泰定三年正月遣指揮僕兀都蠻鐫西番呪語於居庸
關蓋始於丙寅成於乙酉也

縣尹朱公去思碑 存 馬守恕撰 正書
至正六年 在房山

明倫堂記 存 納憐不花撰 正書 至
正七年三月 在平谷學宮

感化寺提點賢公長供記存沙門福珪撰并正書

三河翔建兩廡記存珠克撰至正三河學宮

潭柘寺碑未見

日下舊聞考葛天麟撰至正八年

重修瑞雲寺碑存沙門雪成撰正書至正十年

涿郡儒學藏書記存吳當撰貢師泰正書周伯琦題額

寶坻縣重修儒學記佚

寶坻洪志雷州路總管府經歷鄭惠撰至正十年

進士題名記存王思誠撰南正文燁篆額至正十一年歲次辛卯二月在國子監

監丞文口篆額祭酒王思誠撰記無書人姓名記文首行空數

字至不可屬讀制曰可脫去曰字可譌作河朶列圖朶作篤與

下題名異題名現存者蒙古色目一甲朶列圖一人二甲善林

遠等五人三甲普延台等二十三人餘俱蝕損無考又漢人南

人現存者一甲文允中一人二甲吳裕等五人三甲宋貞等三

十三人餘亦全闕無考是年口月立國子監志

重修新建崇國寺碑存沙門雪禎撰葛裡正書許居直篆額至正十一年歲次辛卯孟夏中旬有一

日在護國寺

碑稱京師崇國寺前至元乙酉世祖皇帝所賜地傳戒大德沙

門定演所開剎敕賜薊州遵化縣般若院為剎剎皇慶延祐間

仁宗皇帝刺撟室利皇后賜鈔三千餘錠壽元皇太后復賜鈔

五百錠至正乙酉僧智學號孤峰來主方丈復修之考元史列

傳壽元皇太后順宗之妃武宗及仁宗之母自武宗至大三

年已上尊號曰儀天興聖慈仁昭懿壽元皇太后至仁宗延祐

二年加上尊號曰儀天興聖慈仁昭懿壽元全德泰甯福慶皇

太后是也若后妃表所載仁宗皇后則但有阿納失舍里皇后
荅里麻失里皇后荅里麻失里皇后已無傳至刺穆室利皇后
則并其名無之蓋史家遺失宜據此碑以補其闕碑又有云今
大明至尊為世界主時順帝在位稱為大明至尊者元大內有
大明殿諸帝即位及御殿受朝賀皆在此故有此號也王西莊集
權實義利寺開山和尚了公行蹟碑殘石存正書至正十一年
城保安寺在房山

天開寺存八面刻正書在房山

霸州重修廟學記存王思誠撰正書在房山

天開寺碑存僧洪珪撰正書在房山

崇國寺聖旨碑存行書至正十年在護國寺

碑稱成吉思皇帝窩濶台皇帝薛禪皇帝完澤篤皇帝曲律皇

帝普顏篤皇帝格堅皇帝忽都篤皇帝亦憐眞班皇帝聖旨大
都南北兩崇國寺天壽寺香河隆安寺三河延福寺順州龍雲
寺遵化般若寺各寺房舍使臣不得安下亦不得責其鋪馬祇
應諸寺稅糧勿納園林碾磨典鋪浴室人口頭疋他人勿倚氣
力奪要云云案元諸帝生時用國語上尊號者太祖曰成吉思
沒後所上者世祖曰薛禪成宗曰完澤篤武宗曰曲律仁宗曰
普顏篤英宗曰格堅明宗曰忽都篤俱見於史窩濶台則太宗
御名亦憐眞班則甯宗御名元史或作懿璘質班或作懿璘只
班蓋無號者即稱名猶泰定帝本紀載其即位詔稱英宗為碩
德八剌皇帝即英宗御名也余前于慶壽寺碑辨太宗曾號合
罕皇帝而此復稱名者蓋太宗之號至正時已不見於紀載宜
乎修史者之不能詳也西莊集

碑陰崇國寺常住庄田事產記存正書

大都路總管府判官宋侯墓志存歐陽元正書至正十四年立在固安駝頭村

祭酒毛煜等題名存六月正書左行至正十六年在國子監加封制碑陰

重修文廟記存馬克忠撰正書至在大城學宮

東安州重修廟學記存孔克堅正書至正十四年六月在學宮

崇國公隆安選公傳戒碑存危素撰并正書至正二十四年九月在護國寺張基篆額

右大崇國寺壇主空明圓證大法師隆安選公特賜澄慧國師傳戒碑資政大夫中書參知政事同知經筵事提調四方獻言詳定使司事危素奉敕撰文并書丹集賢大學士光祿大夫滕國公張璘奉敕篆額碑述戒本授受源流最詳善選卒於憲宗壬子歲至正二十三年以宣政使帖古思不華請追賜國師之號立碑崇國寺寺今名大隆善護國寺每月之七日八日十七日十八日二十七日二十八日陳設百貨都人雜沓謂之西廟市予在都門久從未一至所謂市者寺有元碑四通此其一也予好訪碑又惡市之躑公事之暇不值市期則往觀焉歲或一至或間歲一至寺僧皆黃帽所謂喇嘛班第者客至了不迎送不交一言獨來獨往而已攷四方獻言詳定使司至正十七年置有使副使掌書記而中書官提調之元之末季中外多故正宜納諫以通上下之情而設官以別擇之又命省臣提調之讜言之得聞者寡矣宜乎不旋踵而亡也碑稱丞相厦里者蓋在太宗時於史無所見姑記之以俟攷潛研堂金石文字跋尾

碑陰宣政院劄付二道存正書

右宣政道劄付二道刻於碑陰之上方其一云皇帝聖旨裏宣政院至正廿三年十月廿三日哈喇章怯薛第一日明仁殿有

時分云云後題右割付大崇國寺准此蓋紀帖古思不花院使
陳奏及救命危素撰文等事其一云皇帝聖旨裏宣政院至正
廿六年正月□□日完者帖木兒怯薛第一日云云後半漫漶
不能讀劉氏帝京景物略孫氏春明夢餘錄載此碑而不及碑
陰故略書之潛研堂金石文字跋尾

護國佑聖王廟加封聖號宣命記未見

畿輔新志童梓撰吳雲正書張璠篆額至正二十五年十二月
在都城隍廟

加封昭祐靈惠公廟碑存 夏以忠撰 邢庸正書 璋珥篆額
至正二十五年歲在上巳□三月在

涿州張將軍廟

長明燈記未見

畿輔新志正書至正二十六年十日在都城隍廟

國子監公試題名記存 張翥撰 正書

舊稱至正十九年己亥四色進士題名碑今諦審碑額篆書係
□□庚□□子□□試□□記十二字試上公字記上名字下
半尚存且題名所列俱正副榜竝無進士與後丙午公事題名
碑同其爲國子監公試題名記無疑己亥或庚子之譌以碑額
有庚子可證題名現存者正榜蒙古止五兒等二人色目止神
保等四人餘多剝落惟漢人郭永銘等六人無闕副榜蒙古四
人色目四人第一名俱不可辨漢人余植等十二人亦多磨滅

國子監志

國子監公試題名記存 正書 至正丙午 在國子監

有記無撰書人姓名碑列正榜蒙古賜正六品出身授承直郎
哈刺燕只哥等七人色目賜從六品出身授承務郎宋嘉閭等

六人漢人賜正七品出身授承事郎蔡元等七人副榜六人俱

蒙古姓名均剝落難辨國子監志

蘭亭敘帖存無刻石年月并無題跋

國子監志

御書樓下

仁宗睿皇帝御案孫承澤春明夢餘錄唐太宗好右軍書魏徵言
蘭亭敘在僧辨才處遣御史蕭翼賺之收入秦府貞觀十年命諸
臣臨本歐陽詢褚遂良流傳最著後所謂定武本歐臨也所謂唐
絹本褚臨也定武本刻石禁中當時每紙已值錢數萬石晉時遼
人輦之而北慶歷中李學究得之其子負官緡宋景文守定武以
帑金代償納石於庫熙甯間薛師正出牧刊別本以應求者郡遂
有真贋兩刻其子紹彭又模之他石潛易古刻又剔損古刻湍流
帶左右五字以識大觀中詔其子嗣昌取龕宣和殿後靖康時金
人取石鼓及蘭亭敘輦致燕見宋姜夔蘭亭考中石鼓在國學而

蘭亭不知所在今在國學者疑是薛師正翻刻本或紹彭所刻本
雖非古刻然元人不能也此石一云明初出天師菴土中一云元
順帝北還棄諸路徐達取置國學承澤稱博古鑒藏家因臨雍偶
題是石錄其說為識國子監志

趙孟頫臨樂毅論帖存

刻在蘭亭帖背無歲月題識末署孟頫二字下有趙氏子昂印
在

御書樓下國子監志

趙孟頫臨爭坐位帖存

凡二石文刻兩面一石刻首尾兩段一石刻中兩段今首段缺
八行尾缺九行孫承澤朱彝尊並云趙孟頫臨在

御書樓下國子監志

黃庭經 佚

金石考在國子監

張平叔金丹四百字 佚

金石考在國子監

周子祠堂碑 佚

郝經撰見陵川集

太極書院記 佚

郝經撰見陵川集

御書奎章閣記 佚

虞集撰見道園學古錄

順州儀門記 佚

元明善撰見清河集

劉正奉塑記 佚

虞集撰見道園學古錄

創建黑龍潭碑記 佚

歐陽原功撰見圭齋集

大萬壽寺開山傳法歷代宗師實跡碑記 佚

金石考在青廠永光寺

劉諫議祠記 佚

昌平宋志許有壬撰

邵家莊鄉學記 佚

東安李志李繼本撰

元崇德祠堂記 佚

金石考史志經撰在長生觀

中書右丞相領通惠河都水監政蹟碑 佚

歐陽元撰見圭齋集

京畿都漕運使政蹟碑 佚

虞集撰見道園學古錄

平章政事王伯勝墓碑 佚

文安楊志在縣岳村

法興寺提點榮公塔銘 未見

金石考僧圓瑩撰在薊州

少林寺住持威公塔銘 未見

金石考僧圓瑩撰在薊州

重修法興寺碑記 未見

金石攷僧圓玉撰在盤山少林寺

涿郡漢昭烈皇帝廟碑 佚

郝經撰見陵川集

勝因寺碑 佚

析津志閻復撰

張天師象贊碑 佚

金石考在京師

張天師碑 佚

天下金石志趙孟頫書

黃籙大醮碑 佚

天下金石志虞集書

張天師大道歌 佚

天下金石志虞集書

檀栢寺碑 佚

金石考危素撰

大都路鄴州隆禧觀銘 佚

王暉撰見秋澗集

宋本墓銘 佚

金石考謝端撰在城西三十里

馬鞍山俊公和尚塔銘 存 正書 在宛平戒壇西峯寺塔下

□法師塔記經幢 存 正書 記文年月俱泐可辨者有以姓黃氏固安縣等字 在房山

石經山幽燕奧室石碣 存 正書 無年月

崇祿大夫守司徒侍中宗主師靈塔 存 正書 無年月 在房山甘池東北十五里瓦井村

重修天香妙禪寺碣 佚

盤山志天香妙禪寺唐建有元時重修石碣

碧雲寺賣地幢 未見

青鞵踏雪志碧雲寺有小石幢本當時賣地券也演作韻語末

云賣與中丞阿里吉吉作平聲蓋從國語讀

心經幢 存 正書 八面刻 在京師外城南橫街東岳廟

仙枕石題字 存 呂贊正 在昌平

按元陳孚題仙枕石詩居庸萬馬繞山前未許蒼苔睡晏然見

說華山風日好何如移伴白雲眠則是刻在元時

德勝門石榜 未見

燕都游覽志趙孟頫正書

丹稜泝斷碑 佚

薊邱集湖東有古祠斷碑尙存乃元大都路制使朵里眞撰文

上有丹稜泝字餘皆磨滅

石刻旃檀佛像

未見

燕都游覽志鷲峯寺在城西牆畔寺頗湫隘然供旃檀佛其中像為旃檀木衣無縫天衣目上視手左昂右頰相好端嚴質異常造歷代以來每隨建都之地而供養之元鑄旃檀佛像於石而樹碑墀間恣人搨請

耶律氏詞刻

佚

金石考在香山七真洞壁

華陽吳祖椿校

序志

光緒順天府志一百三十

江陰繆荃孫纂

清受

天命撫有方夏因元明之故都於燕京定鼎東撫遼瀋接龍興之舊疆南絕粵海北度大漠撫喀爾喀內外諸扎薩克西開玉門陽關二萬里古之疏勒莎車盡為郡縣地球之上五大洲大小數十國或自達或附屬輶軒之使琛賚之貢咸輻輳於

京師

京師之地王化所始巨之

郊

廟貢舉漕河兵衛之制細之禮器樂舞風尚玩好之事靡不先行畿甸後及薄海地大物博稱曰首善而領之以順天府尹與總督

分治蓋秦內史漢京兆尹洛陽尹之遺制也府轄兩道四廳五州
十九縣幅員之廣政令之繁特異於他府顧自建都以來元則有
燕京志析津志明則有北平圖經北平志書皆不傳存於今者只
萬厯間沈應文所撰順天府志耳書僅六卷草創荒略同治壬申
今文華殿大學士肅毅伯直隸總督合肥李公奏修畿輔通志調
取各府州縣志書而順天獨闕前吏部尙書德化萬文敏師前湖
北巡撫彭丈祖賢勅議重修聘分纂購書籍輯長編函商李爵相
籌寄經費延今兩廣總督張孝達師擬定條例授荃孫照例編輯
彭丈開藩豫章今通政使宜興周丈家楣接任奏請開局得
旨俞允光緒辛巳孝達師巡撫山西令荃孫專任其事固辭不獲
適周丈再蒞任催二十四州縣采訪冊書牘並發舟車踵接荃孫
復引兵部郎中德清傅君雲龍武進舉人屠君寄爲助周旋瑣屑

經理終始則順天府經歷山陰范君思本

國史館謄錄宜興李君棣林之力居多始於辛巳訖於乙酉凡成
書一百三十卷總綱十一子目六十有九而冠之以

京師志者紀

卜宅之隆規敷

睿治之不烈邦畿千里游泳

聖澤使薄海內外聲教所訖莫不瞻雲就日奉爲依歸是以序述
規模恭紀卷首次之曰地理志規畫區域脈絡山川郭郭建置之
方治所興廢之跡因近以綴遠託小以著大使人覽形勢阨塞則
思握險控禦防患於未然驗風俗盛衰則思與民休息維之於不
敝庶幾如澄止水而無漠愒之患也次之曰河渠志永定貫乎中
清河界其南白河流其北文霸之間舊爲澤國是在窮其源極其

委勤板築通淤塞使隄有金石之固而防無絲縷之罅則沮洳皆化上腴黔首于以永謐也

廟堂之碩畫官吏之功績所宜日載而月紀也次之曰食貨志財出於土土繫於人通乎天時盡夫地利定則壤之經制稅斂之法勝國苛政首先蠲除使民知耕鑿之樂效輸將之忱而沐

仁澤於無涯也次之曰經政志官吏之廢置倉儲之虛實漕運之更變典禮學校之制錢法鹽法之章兵汛驛傳之籍編輯公牘搜訪故事使人觀其得失而補敝救偏至若西北叢山擁衛合沓金鐵之利見於前史硝磺之產訪諸土人而今僅以煤著無亦地利之未盡人謀之未臧乎故事志者由今溯昔網舉條繫識大識小各具勸懲若夫兵事之成敗形勢不可不講也天時之祥異政令不可不洽也防患於微宜慎也哉官師志者典城佐治各有專責

居位之人暫考最之黜陟序爵里述事實采善鉏醜意在於斯人物志者鴻儒偉德生必間世涵山澤之清英稽粉榆之故實百世之下仰高山慕景行而心爲之嚮往也豐功偉烈之不容沒也潛德幽光之必待發也若身厠科目而無所表見甚且引以爲誡抑又末矣曰藝文擬四部之編錄仿七略之解題虛卒羣哲摭拾緜緜雖一家之說雜流之言皆有取焉所以使人博覽旁搜抱殘守缺求前詰之秘文而毋敢弁髦視也曰金石其大者足以補史乘之漏其斷石零墨亦可徵軼事表芳躅深巖窮谷古剝荒冢披沙抉蘚日出不窮所以爲好古之士導其先路也斤斤焉宣其要蹟總其紀綱引而伸之不避複沓以自明其意使後之莅此者求先典而秩如徵庶績而咸若前者可傳來者可續百務條通而輻輳如百川之貫於江河無不滲漉是則盡詩人周爰之善効愚者一

得之益乃為敘志一篇以終其事焉古之志都邑者僅存乾道淳祐咸淳三志偏隅南渡具體而微豈若今日大一統之規躋中興之世徵今考古泐成此編文不敢慕夫高潔也惟求其賅辭不敢尚夫華縉也惟取其徵信事不敢專企夫雅峻也惟重其足以敦厲浮俗世有學人才士知言之選必能實事求是以匡不逮是所深幸也夫爰為之敘曰

金城湯池虎踞龍蟠宅中圖大長治久安貢達梯航瑞輯躬桓是日天府厥論不刊志城池第一

千門萬戶建章是營巍巍翼翼宏我漢京志
宮禁第二

靈沼靈臺與民偕樂
奎藻雲章輝皇巖壑志苑囿第三

大園大矩呼吸相聯肅肅祇祇誠通樞煙

祖功只字遺迹肅肅祇祇誠通樞煙中林蓋天土

宗德稽古同天風夜匪解明禪潔蠲志泉萬

壇天風夜匪解明禪潔蠲志泉萬

廟第四六宗羣神首見堯典肅肅祇祇誠通樞煙中林蓋天土

之敬恭格於幽顯志祠祀第五六宗羣神首見堯典

七棘三槐星張棋布遠溯元明廣稽掌故志衙署第六七棘三槐星張棋布

漢家羽林唐代府兵桓桓步伐肅肅千城投石超距伐鼓揚旌如火如荼衛我漢家羽林唐代府兵

神京志兵制第七

入旗子弟奇才卓犖既習武備兼擅文學冬夏詩書春秋禮樂回
緬遠人亦歸雕琢志官學第八

生財有道務本節用以告大農兼權合綜志倉庫第九

關市有征首嚴譏察匪曰取盈藉懲豪猾志關權第十

饒寡孤獨王政所先舍以室宇食以粥館興及蠶桑利莫大焉經

營籌畫賴彼高賢志厰局第十一

朝市南北衢巷西東三條五劇雨集雷轟竹垞雙藤西崖四松前

賢遺躅欽挹高風志坊巷第十二

湖名淨業河號大通發源玉泉萬派朝宗液波颺碧溝葉流紅維

郭守敬成此大功志水道第十三

琳宮貝宇參差相望紺碧雲中精藍天上寂寂鐘魚峩峩龍象轉

大法輪是曰寶藏志寺觀第十四

禮儀好尚各有所宜時勢盛衰風會轉移茂矣美矣陶之淑之補

偏救弊意在於斯志風俗第十五

盧龍大藩涿鹿左界面山負海杜平扼隘境拓封圻跡存營砦環

顧甸服朗若圖書志疆域第十六

恆嶽西來田盤東峙小郭大宮齶齶齒齒漢泉徐衍尋原極委經

山緯川班志是擬志山川第十七

名山枕堞平地疏渠勅之鞏之以奠閭閻志城池第十八

弗謂傳舍爾盡爾職卽以荻障詎無慙色堂記知愧齋名古墨景

行前賢曰攸好德志治所第十九

今之縣邑古之子男百神鑒臨調和濟甘明粢芳醴申命再三何

以格之令德無慙志祠祀第二十

峩峩隆福曾駐

鑿輿赫赫上方創自隋初禪宗達摩梵字佉盧經幢塔記寶勝瓊
琚志寺觀第二十一

金陵奉先明陵天壽櫻黍猶薦松楸永茂下至公卿纍纍道右巨
碣豐碑縱橫碧獸志冢墓第二十二

都鄙形體均之遂人遐綜邇緝如絲伊綸出入守望安我編氓古
城故瀆纖悉具陳志邨鎮第二十三

軍都古陘潮河大川故壘遺屯消歇烽煙海波一角搖動全燕輪
舸礮臺鎖鑰鉤連志邊關第二十四

斷斷舊俗于土風密邇
皇都以洽大同志風俗第二十五

於菟楚言登來齊語體別陰陽音諧徵羽略分清濁強生齟齬疏
證明通騎驛今古志方言第二十六

以晷占天以表量日經度緯度立法縝密遠近高下得諸寔測勿

言占驗流於方術志天文表第二十七

幽都宛延州以山名秦漢以降代有分并緯以大事記以旁行二

千餘載陳蹟分明志沿革表第二十八

酈亭水經注於大代直隸河渠創於大戴東原先生山川脈絡溝澮向

背願以一心上溯千載經流支瀆搜求破碎古道舊塌考訂茫昧

我思古人力愧未逮志水道第二十九

密樅填淤樹板分崖時奉

廟謨庶民子來隄長束虹杵急喧雷金石同堅灑沈澹災志河工

第三十

水畢除道駟見成梁勿憂沮洳均達康莊志津梁第三十

戾陵立塌荆山開渠道園立法潞水著書欲變斥鹵盡化膏腴求

民瘼者尙其鑒諸志水利第三十二
一男三女著於職方休養生息字育繁昌雞鳴犬吠四境相望何以涖之俗阜民康志戶口第三十三
四擾三種宜於幽州功程勤惰性辨剛柔泉温育疏山深產鏐今之利器尙其講求志物產第三十四
勝國重賦盪滌一新耕田鑿井長沐
皇仁春欽其庸秋稅其畝維正之供奔走恐後則壤有經愠解財阜志田賦第三十五
旗租一項掌於有司董而理之如析亂絲志旗租第三十六
官多民擾官省民玩損益得宜成章可按志官吏第三十七
豐年登穀餘三耕九亦有凶荒以裨高厚蓋藏敗蝕責在典守擴而充之惟民父母志倉儲第三十八

轉漕東南以實

帝倉河運海運監以倉揚州名曰通取義孔長利弊纖悉記述必詳志漕運第三十九
昔產五金今惟石炭鑿險繩幽功資執爨志礦厥第四十
蘆臺玉砂寶母之靈亦供天厨用佐邁劓志鹽法第四十一
軍興財乏乃造大錢緣何京師其用獨偏銷鑄宜禁子母兼權幾時復古跋彼高賢志錢法第四十二
五禮五庸郁郁彬彬陶情淑性以牖吾民志典禮第四十三
鴻都雅化膠序成林園橋之士釋耒鳴琴幽燕剛氣冶爲南金穆穆醇風悠悠我心志學校第四十四
拱衛京師不忘武備步伐之齊披擊之利星布百屯雲迴萬騎居安思危聖人遺意志營制第四十五

傳記乘驛孔言置郵去如風發捷似星流朝令夕聞借箸運籌附
以電報制度尤周志驛傳第四十六

三千餘年大事可記規仿龍門綜微期備志時政第四十七
幽燕形勝兵所必爭借觀龜鏡庶弭亂萌志兵事第四十八
商瞿再傳而得周醜微言已渺人自不朽漢家韓盧

昭代黃朱行爲人師學爲純儒志學派第四十九

陰陽燮理職在三公嘉禾瑞麥蝕日流虹休徵咎徵感應則同勿
謂細微息息相通志祥異第五十

逸事瑣聞街談巷語風雨一燈乞靈故楮聊示勸懲間有取與志
怪談玄皆所弗許志雜事第五十一

澤我一時報君千古我思古人杜母召父春社壺觴秋郊鼓舞善
政可尋往哲是與志官師傳第五十二

紆青拖紫爲百族師僉曰吾良行則委蛇頌聲聞寂似知不知何
如循吏身往名垂後有來者尙其思之志歷代職官表第五十三
高山巨川鍾毓嘉德行爲士範言爲世則宇宙增華簡編生色魯
國山陽先賢法式發潛顯幽以儀四國志先賢第五十四

雜人一傳創自歐陽據事直書法誠毋忘志雜人第五十五
昔何光遠作鑒誠錄著爲殷鑒以圓薄俗志鑒誠第五十六

株檣構榱公輸材之精神獨到遂炫瑰琦技進於道神通以思曲
藝可名庸庸胡爲志方伎第五十七

表以石窳昭我彤華區明風節揚權柔嘉如金百鍊如玉無瑕女
貞猗猗庇蔭幽遐志列女第五十八

運期遠游幼安避地樂土可遷一枝是寄志僑寓第五十九

唐志真系宋錄傳燈惟彼二氏不沒其稱志釋道第六十

漢重選舉唐分科目赤水求珠荆山采璞三輔黃圖王政所先
聖皇側席野無遺賢桑梓之華俊又高騫志選舉表第六十一
礪山帶河孔鼎悝鐘上古及隋或王或公有明成祖入紹大宗書
爵書世不及虛封志爵封表第六十二
嚴顏斷頭宏演納肝賚命蹈義若饑就餐摻拄天壤大節同完薦
以苾芬浩氣鬱蟠志昭忠表第六十三
望高北斗品重南金祀之黌宮以式士林志鄉賢表第六十四
廣搜地志兼錄故事自周迄今事蹟大備志紀錄順天事之書第
六十五
編分甲乙簿錄經史佚存並列記其緣起燕山勃海鍾毓秀良毋
寶燕石而遺琳琅志順天人著述第六十六
聖製星炳

天章雲麗刻石鏤金昭示萬世志

御碑第六十七

商周遺器頌自上方岐豐石鼓遷於汴梁下迄元代共寶珪璋深
巖壤剝時露幽光志成後復得唐遼金元多種我思古人惟趙歐陽志歷代金

石第六十八

洪武圖經煙雲散逸萬厯府志尙留完帙露纂雪鈔迨二千日重
啟規模終嫌物率書訂奇零事獲放失慎言闕疑敢云著述匡厥
譚陋大雅竢質志序第六十九

修書略例

南皮張之洞纂

第一 宜典核或摘要或總錄或類記或分正附一類其必
應依年編次者亦宜簡要不得徒事排比錄鈔類
也長編

第二 宜徵實多考典
少空文

第三 以地為主與土地稍遠者即從略京師門尤甚

第四 以官文書為據

第五 古事宜備今事有關土地人民者詳餘略

第六 各門統名曰志不立雜名用華陽國志臨安志例書成用元和郡縣志元豐九域志乾

道濬祐咸濬志例標名曰光緒順天志

第七 圖表散歸各卷圖先表後

第八 引書憑古雅者若廣輿記之屬及明人陋書不以為據

第九 引書用最初者不得但憑類書其無元書者不在此例

第十 羣書互異者宜考訂詳說夾注

第十一 一人一事兩地俱收者宜考證不得沿誤濫收

第十二 採用舊志及各書須覆檢所引元書

第十三 引書注明第幾卷

第十四 關涉兩門者互見分詳略用鄭夾際通志例

第十五 徵引繁多者辨證者牽連旁及者多用夾注用史通說公牘繁

而必錄者同

第十六 紀事須具首尾具年月

第十七 各子目須紀實不待但存一名如寺觀畧仿洛陽伽藍記物產畧仿南方草木

狀之類舊志止列一名而已

第十八 典禮則例非專為順天設者不錄如文廟祭器樂章之類

第十九 生存人姓名事實著述不錄奏疏公牘不在此例

第二十 文辭必宜古雅亦不可過於僻澀險怪

第二十一 文字有褒貶抑揚處須從眾議不得偏執獨見

第二十二 國朝經制事例有空闕無從鈎考者本卷子目下注

明止某年

第二十三 採訪日久不齊中空闕者先纂成書續到日別為補編附當卷後

第二十四 大例不改子目細例應改併增補者隨時酌議

第二十五 凡一目而事實繁重篇葉過多者分上下卷

第二十六 每卷標纂書人名於大題後行書成照刊人纂

第二十七 全書俱頂格寫擡頭處一

右通例

第一

諭旨關修志者冠卷首此外

詔旨

宸章分隸各門書成奏聞時所奉之旨恭載卷首以勅

聞考宸章亦分見各門

第二

諭旨必確係專為順天者方敢恭載

第三

諭旨宜擇要恭錄不必全錄史館例諭旨不許改而許節纂

第四 京師門不宜過繁與宋咸淳臨安志不同彼因都城無

第五 八旗事專載歸順天府管理者餘畧已有八旗通志

例錄入窮發苦節易於漏略以待續

第六

圓明

清漪

南苑之類歸

苑囿 行宮坵

第七

陵園在遵化易州境其名目處所亦宜附見京師門附見太廟下

第八 外國公署附載京師衙署之後以著事變

第九 京師寺觀止載

敕建者名勝酌載

第十 宣武門內

敕賜額天主堂載附寺觀後餘教堂不錄

第十一 增方言一目用靈壽志雲南通志例

第十二 地圖府屬一總圖一縣一分圖

第十三 圖地理須用目驗實測聘通算學者為之不得憑成書及約畧揣度

第十四 地理門止載碣關土地者餘別出

第十五 河渠立專門其地理門內山川止具大畧出河山入何水過地幾何

如漢志式

第十六 賦出於地役出於民故戶口物產先於賦稅前代舊制

近日積弊均為詳采不得僅紀建置年月處所

第十七 故事非他門可隸今立專門用咸清臨安志紀事一門瑣事立雜事一目隸

之用禮記雜記例

第十八 官師門多歸表少立專傳立表以省傳

第十九 人物以朝代為次不分州縣

第二十 人物不分賢否理宜並載但以子目區別之史例與經制不同

第二十一 人物門昭忠鄉賢入祠者為一表

第二十二 人物門賢者隸先賢一目不分孝義忠烈隱逸儒林文苑等目不賢而

著聞已久者隸鑒誠一目無咎無譽者隸雜人一目用漢藝文志雜家例

第二十三 人物門君長此地如燕昭王之屬無可隸立封國一

表虛封不載

第二十四 人物門流寓元以前通載明永樂以後止載寓京城外及各州縣者

第二十五 人物門語語皆須據書采輯不增一字當句下注出典以免褒貶口實

第二十六 遼金元三史人名地名從乾隆敕改本仍注元本作某字

第二十七 藝文門每書撰一提要注明存佚未見未刊四等以時代為次不分經史子集

第二十八 古今詩文有關考證者擇要分附各門

第二十九 金石門金文止錄專為本地鑄造及碣係此地出土者石刻元以前全錄

國朝止錄

御碑

第三十 金石門以時代為次注見存拓本存目三類各綴考釋如潛研堂金石跋尾式

第三十一 各門前為小序一則

第三十二 最後為略例一卷

光緒順天府志恭引

御製

欽定書目

聖祖仁皇帝御製文集

欽定歷代紀事年表

御製皇輿表

欽定大清會典

欽定廣羣芳譜

欽定全金詩

世宗憲皇帝上諭

高宗純皇帝樂善堂詩集

欽定遼金元三史國語解

欽定明史

欽定綱目三編

御選明臣奏議

御批通鑑輯覽

欽定勝朝殉節諸臣錄

欽定大清一統志

欽定熱河志

欽定日下舊聞考

欽定歷代職官表

欽定盤山志

欽定續通典

欽定皇朝通典

欽定續通志

欽定皇朝通志

欽定續文獻通考

欽定皇朝文獻通考

欽定皇朝禮器圖式

欽定國朝宮史

欽定四庫全書提要

欽定天祿琳琅書目

欽定中樞政考

仁宗睿皇帝御製文二集

欽定明鑑

欽定大清會典事例

欽定畿輔安瀾志

欽定全唐文

欽定大清通禮

欽定漕運全書

欽定天祿琳琅書目後編

宣宗成皇帝聖訓

欽定國子監志

文宗顯皇帝聖訓

穆宗毅皇帝聖訓

欽定國史賢良傳

欽定國史循吏傳

欽定國史儒林傳

欽定國史文苑傳

欽定國史貳臣傳

欽定國史逆臣傳

光緒順天府志引用書目

周易

周易馬融注

張惠言輯

周易虞翻注

張惠言輯

周易正義

孔穎達等

漢上易傳

朱震

易林

崔篆

尚書

尚書大傳

尚書鄭玄注

黃奭輯

尚書正義

孔穎達

古文尚書疏證

閻若璩

逸周書

毛詩

毛詩鄭箋

毛詩草木蟲魚疏

陸璣

毛詩名物圖記

徐鼎

毛詩稽古篇

陳啟源

毛詩傳疏

陳奐

韓詩章句

馬國翰輯

周禮

周禮鄭注

周禮疏

賈公彥

周官總義 易祓

儀禮鄭注

禮記

禮記鄭注

蔡邕月令章句 蔡雲輯

大戴禮盧辨注

夏小正

左氏傳

左傳服虔注 李貽德輯

左傳杜預注

公羊傳

穀梁傳

論語

論語集解 何晏

論語義疏 皇侃

孟子章句 趙岐

孟子音義 孫奭

爾雅

爾雅郭璞注

爾雅補郭 翟灝

爾雅正義 邵晉涵

爾雅義疏 郝懿行

小爾雅

爾雅翼 羅願

埤雅 陸佃

廣雅疏證 王念孫

通雅 方以智

鄭志 鄭小同

經典釋文 陸德明

九經集解 雷學淇

三蒼 任大椿輯

蒼頡篇 孫星衍輯

方言 揚雄

方言郭璞注

盧校方言 盧文弨

方言疏證 戴震

續方言補 程際盛

說文解字 許慎

說文解字注 段玉裁

說文義證 桂馥

說文新考 鈕樹玉

釋名 劉熙

玉篇 顧野王

釋骨 沈彤

聲類 嚴可均輯

廣韻 孫強

集韻 丁度

韻補 吳棫

韻會舉要

熊忠

韻會小補

方日升

六書故

戴侗

急就章

史游

急就篇注

顏師古

字林攷逸

任大椿

服虔通俗文

臧庸輯

陽承慶字統

馬國翰輯

五經文字

張參

復古篇

張有

經籍纂詁

阮元

史記

司馬遷

史記集解

裴駰

史記索隱

司馬貞

漢書

班固

漢書蕭該音義

瞿中輯

漢書疏證

沈欽韓

漢書地理志稽疑

全祖望

新輯注漢書地理志

錢坫

新輯注漢書地理志集釋

徐松

漢書地理志補注

吳卓信

補漢兵志

錢文子

後漢書

范曄

後漢書疏證

沈欽韓

後漢書補表

錢大昭

三國志

陳壽

三國志補注

杭世駿

三國志攷證

潘眉

三國疆域志

洪亮吉

晉書

唐太宗御撰

晉書音義

楊承宣

晉畧

周濟

晉地理志補正

畢沅

宋書

沈約

晉宋書故

郝懿行

齊書

蕭子顯

梁書

姚思廉

魏書

魏收

北齊書

李百藥

周書

令狐德棻

隋書

魏徵等

南史

李延壽

北史

李延壽

唐書

劉昫等

舊唐書校勘記

岑建功等

新唐書

宋祁歐陽修

五代史

薛居正

新五代史記

歐陽修

宋史 托克托等

遼史 托克托等

遼史拾遺 厲鶚

遼史拾遺補 楊循吉

金史 托克托等

元史 王禕宋濂等

補宋金元三朝藝文志 倪燦

補三史藝文志 金門詔

補元藝文志 錢大昕

明史 張廷玉等

明史彙 王鴻緒

竹書紀年

穆天子傳

漢紀 荀悅

後漢紀 袁宏

資治通鑑 司馬光

通鑑目錄 司馬光

通鑑攷異 司馬光

通鑑地理通釋 王應麟

通鑑補 嚴衍

續資治通鑑 畢沅

明通鑑 夏燮

建炎以來繫年要錄 李心傳

九朝編年備要 陳均

宋季三朝政要

續通鑑綱目 商榘

東華錄 蔣良騏

續東華錄 王先謙

明紀 陳克家

周年編略 黃式三

通鑑紀事本末 袁樞

三朝北盟彙編 徐夢莘

宋史紀事本末 陳邦瞻

元史紀事本末 陳邦瞻

綏寇紀略 吳偉業

明史紀事本末 谷應泰

逸周書

世本 秦嘉謨輯

東觀漢記

帝王世紀 宋翔鳳輯

通志 鄭樵

東都事略 王偁

契丹國志 葉隆禮

大金國志 宇文懋昭

續後漢書 蕭常

續後漢書 郝經

南宋書 錢士升

史外 汪有典

元史類編 邵遠平

國語

國語三君注 汪遠孫輯

戰國策

戰國策釋地 張琦

國策地名攷 程恩澤

五代史補 陶岳

煬王江上錄

奉天錄 趙元一

談往 花村看行侍者

二申野錄 孫之騷

聖武記 魏源

唐大詔令 宋敏求

歷代名臣奏議 黃淮楊士奇等

魏貞菴年譜 未詳

朱竹垞年譜

陳句山年譜 未詳

南崖府君年譜 朱錫經

竹汀居士年譜

弇山先生年譜

孫淵如年譜

洪北江年譜

散樗老人自訂年譜 蔣祥墀

胡書農年譜

雷塘盦主弟子記 張鑑等

顧亭林年譜 張穆

閻潛邱年譜 張穆

駱文忠公年譜

曾文正公年譜

英雄記 王榮

高士傳 皇甫謐

歷代名臣言行錄 朱熹

元名臣事略 蘇天爵

功臣錄

革除遺事

遜國名臣記

吾學編 鄭曉

酌中志 劉若愚

宮史 呂毖

廣名將傳 黃道周

畿輔人物志 孫承澤

宋元學案 黃宗羲

明儒學案 黃宗羲

彤史拾遺記 毛奇齡

北學編 黃叔琳

東林列傳 陳鼎

臣鑑錄 蔣漣

滿漢名臣傳

已未詞科錄

秦瀛

鶴徵錄

李敬

文獻徵存錄

錢林

學案小識

唐鑑

國朝詩人小傳

鄭方坤

疇人傳

阮元

續疇人傳

羅士琳

先正事略

李元度

顏氏學記

戴望

安祿山事蹟

姚汝能

金姬別傳

孝感屠氏譜

山陰吳氏譜

大興朱氏譜

奉使行程錄

許允宗

使遼錄

張舜民

北狩行錄

蔡條

攬轡錄

范成大

西游記

李志常

中堂事紀

王惲

松亭行記

高士奇

有正味齋日記

吳錫麒

吳越春秋

趙煜

十六國春秋

崔鴻

九國志

路振

南唐書

馬令

南唐書

陸游

肅皇外史

范守已

碧血錄

烈皇小識

文秉

甲申傳信錄

甲申小記

崇禎長編

崇禎遺錄

王世德

明季南略

計六奇

明季北略

計六奇

十國春秋

吳任臣

東國史略

夏小正

玉燭寶典

杜臺卿

帝京歲時紀勝

潘榮陛

禁扁

王士點

故宮遺錄

蕭洵

明宮殿額名

大內規制紀略

畢沅輯本

王隱地道記

畢沅輯

晉太康地志

畢沅輯本

括地志

孫星衍輯

元和郡縣志 李吉甫

元和郡縣志逸文 周夢棠

太平寰宇記 樂史

輿地廣記 歐陽忞

元豐九域志 王存

元混一方輿勝覽

大明清類天文分野之書

明一統志 李賢等

地圖綜要

輿地名勝志 曹學佺

天下郡國利病書 顧炎武

方輿紀要 顧祖禹

乾隆府廳州縣圖志 洪亮吉

今古地理述 王心言

地理韻編 李兆洛

畿輔通志 唐執玉

畿輔新志

山西通志 覺羅石麟等

江南通志 趙宏恩等

廣東通志 郝玉麟等

萬曆順天府志 沈應文

大興縣志 張茂節

宛平縣志 王養源

良鄉縣志 楊嗣奇

良鄉新志 陳媚

固安縣志 陳崇砥

永清縣志 周震榮

永清續志 李秉鈞

東安縣志 李光昭

香河縣志 劉深

通州志 高天鳳

通州志稿 閻興邦

通州志 高建勳

三河縣志 陳景

武清縣志 吳翀

武清續志 蔡壽臻

寶坻縣志 洪肇林

甯河縣志 關廷牧

甯河縣志 丁符九

昌平州志 吳都梁

光緒昌平志 宋文

順義縣志 黃成章

密雲縣志 薛天培

密雲縣志 丁符九

懷柔縣志 吳景果

涿州志 吳山鳳

涿州續志 吳履福

房山縣志 佟有年

房山續志 王爾琨

房山志料 高驥雲

霸州志 朱作梅

同治霸州志 周乃大

文安縣志 楊朝麟

大城縣志 張象燦

保定縣志 成其範

可也簡廬筆記 高驥雲

薊州志 張朝琮

薊州志 沈鏡

平谷縣志 朱克閔

平谷續志 陳景伊

湖州府志

黃岡縣志

易州志

水經注 酈道元

水經注釋 趙一清

行水金鑑 溥澤洪

續行水金鑑 潘錫恩

永定河志 李逢亨

續永定河志 朱其詔

渠陽水利 程璇

文安隄工錄 劉寶楠

三邊機務總要

九邊圖說 許論

沿海圖說

鴻雪因緣圖說 麟慶

盤山志 僧智朴

昌平山水記 顧炎武

上方山志 僧自敵

歷代山陵攷 朱孔陽

帝京景物略 劉侗

燕都游覽志 孫國敕

天府廣記 孫承澤

析津日記 周箕

芹城小志 李因篤

宸垣識畧 吳長垣

潞河考古錄 劉錫信

燕京雜記

都門記畧

都門雜記

六典 唐元宗御撰李林甫注

翰苑羣書 洪遵

翰林記 黃佐

職官分記 孫逢吉

工部志 朱長芳

水部備考 周夢陽

石壩須知 李炳

樞垣紀畧 梁章鉅

通典 杜佑

唐會要 王溥

五代會要 王溥

宋會要 徐松輯

元典章

明會典 張居正等修

明典策 徐學聚

漢官舊儀 衛宏

通考 馬端臨

續文獻通考 王圻

戶部則例

漕運則例纂 楊鈞

江北運程 董恂

禮部則例

畿輔條鞭賦役全書

光祿寺則例

畿輔營田圖說

畿輔水利初案

捕盜營章程

長蘆鹽法志

劉向別錄 馬國翰輯

郡齋讀書志 晁公武

書錄解題 陳振孫

文淵閣書目 楊士奇

內閣書目 張萱

棗竹堂書目 葉盛

天一閣書目

世善堂書目 陳第

絳雲樓書目 錢謙益

述古堂書目 錢曾

汲古閣書目

抽燬書目

道藏目錄 白雲霽

稽瑞樓書目 陳揆

集古錄目 歐陽棻

金石錄 趙明誠

寶刻叢編 陳思

棗竹堂碑目 葉盛

金石林時地考 趙均

天下金石志 于奕正

金石文字記 顧炎武

金石錄補 葉九苞

金石後錄 劉青藜

金石萃編 王昶

潛研堂金石文字跋尾 錢大昕

授堂金石三跋 武億

授堂金石文字續跋 武億

寰宇訪碑錄

孫星衍

京畿金石考

孫星衍

鐵橋金石跋

嚴可均

平津讀碑記

洪頤煊

平津讀碑記續

平津讀碑記再續

古誌石華

黃本驥

金石續編

陸燿燾

補寰宇訪碑錄

趙之謙

玉雨堂碑目

韓泰華

畿輔石刻目

樊彬

八瓊室金石補正

陸增祥

廿二史考異

錢大昕

十七史商榷

王鳴盛

廿二史劄記

趙翼

紀元編

李兆洛

荀子

荀況

賈子

賈誼

法言

楊雄

鹽鐵論

桓寬

楊泉物理論

錢保塘輯

新序

劉向

說苑

劉向

三魚堂贅筆

陸隴其

吳子

吳起

韓子

韓非

齊民要術

賈思勰

農書

王禎

九穀考

程瑤田

素問

王昶注

千金翼方

孫思邈

名醫類案

江瓘

本草綱目

李時珍

本草拾遺

本草衍義

本草釋名

陳藏器

名醫別錄

太元經

楊雄

圖畫見聞志

郭若虛

宣和書譜

宣和畫譜

圖繪寶鑑

夏文彥

續圖繪寶鑑

書史會要

陶宗儀

畫徵錄

張庚

無聲詩文

姜紹書

讀畫閒評

墨香居畫識

山家清供

泉志 洪遵

墨子 墨翟

呂氏春秋 呂不韋

顏氏家訓 顏之推

穀城山房筆塵 于慎行

容齋五筆 洪邁

野客叢書 王楙

日知錄 顧炎武

咳餘叢考 趙翼

述學 汪中

過庭錄 宋翔鳳

香乘 周嘉胄

飲膳正要 和斯輝

尸子 章宗源輯

淮南子 漢淮南王劉安撰高誘注

平書 王源

古今注 崔豹

演繁露 程大昌

疑耀 張萱

養新錄 錢大昕

讀書雜誌 王念孫

讀書叢錄 洪頤煊

癸巳類藁 俞正燮

癸巳存藁

論衡 王充

夢溪筆談 沈括

曲洧舊聞 朱弁

老學庵筆記 陸游

視北雜志 陸友

明水軒日記 高道素

筆錄 王鏊

戒庵漫筆 李嗣

六研齋筆記 李日華

春明夢餘錄 孫承澤

居易錄 王士禛

吹網錄 葉廷珪

封氏聞見記 封演

東軒筆錄 魏泰

避暑錄話 葉夢得

鶴林玉露 羅大經

卮言 楊慎

四友齋叢談 何良俊

寶顏堂筆記 陳繼儒

五雜俎 謝肇淛

湧幢小品 朱國禎

書影 周亮工

池北偶談 王士禛

香祖筆記 王士禛

分甘餘錄 王士禛

筠廊偶筆 宋犖

查浦輯聞 查嗣琛

在園雜志 劉廷璣

蓉槎蠡說 程哲

石鼓齋雜錄

金鼇退食筆記 高士奇

人海記 查慎行

茶餘客話 阮葵生

簷曝雜記 趙翼

東臯雜鈔 董潮

西清筆記 沈初

藤陰雜記 戴璐

恩福堂筆記 英和

橋西雜記 葉名澧

雲煙過眼錄 周密

遵生八牋 高濂

少室山房筆叢 胡應麟

寄園寄所寄 趙吉士

藝文類聚 歐陽詢

初學記 徐堅

羣書治要 魏徵

元和姓纂 洪寶

太平御覽 李昉等

冊府元龜 李昉等

古今姓氏書辨證 鄧名世

海錄碎事 葉廷珪

紀纂淵海 潘自牧

截江網 溫豫

玉海 王應麟

侍兒小名錄 溫豫

山堂肆考 彭大翼

潛確類書

燕丹子

西京雜記 葛洪

朝野僉載 張鷟

國史補 李肇

大唐新語 劉肅

因話錄 趙璘

隋唐嘉話 賈餗

雲溪友議 范攄

唐摭言 王定保

三水小牘 皇甫枚

鑑誠錄 何光遠

北夢瑣言 孫光憲

南部新書 錢易

涑水紀聞 司馬光

澠水燕談錄

張舜民

湘山野錄

釋文瑩

玉壺清話

釋文瑩

唐語林

王彥

續世說

孔平仲

程史

岳珂

癸辛雜識

周密

歸潛志

劉祁

至正直記

孔齊

輟耕錄

陶九成

青樓集

水東日記

葉盛

菽園雜記

陸容

雙槐歲鈔

黃瑜

金臺記聞

陸深

長安客話

宋啟明

涇林

周元暉

暖姝由筆

徐克

說鈴

吳震方

玉堂薈記

楊士聰

今世說

王暉

葦鄉贅筆

此君軒漫筆

古榆閣叢談

柳南隨筆

屑玉叢談

松軒隨筆

閣微草堂筆記

紀昀

嘯亭雜錄

嘯亭續錄

良齋筆記

有正味齋日記

吳錫麒

履園叢話

錢泳

竹葉亭雜記

姚元之

止園筆談

池上草堂筆記

見聞隨筆

見聞續筆

夢園叢談

方濬頤

冷廬雜識

陸以湑

甌階外史

高繼珩

蕉軒隨錄

方濬師

拾遺記

王嘉

搜神記

干寶

闕史

高彥休

太平廣記

李昉奉敕修

夷堅志

洪遵

續夷堅志

元好問

燕山叢錄

徐昌祚

冥報拾遺

耳談

王同軌

述異記

東軒主人撰

觚賸

鈕琇

廣異記

簪雲樓雜記

陳尚古

續新齊諧

袁枚

秋燈叢話

俞夢蛟

博物志

張華

齊東妄言

李石

酉陽雜俎

段成式

續博物志

李石

法苑珠林

釋道世

廣宏明集

釋道宣

華嚴經音義

釋慧苑

一切經音義

釋玄應

現果隨錄

釋戒顯

高僧傳

釋贊甯

列子注

張湛

列子

列禦寇

莊子

莊周

列子釋文

殷敬順

符子

周廣業輯

列仙傳

劉向

真仙通鑑

亢倉子

庚桑楚

楚辭

屈原

楚辭章句

王逸

楚辭補

洪興祖

張楫子虛賦注

蔡中郎集

蔡邕

楊盈川集

楊炯

盧昇之集

盧照鄰

張燕公集

張說

顏魯公文集

顏真卿

獨孤毘陵集

獨孤及

權文公集

權德輿

韓昌黎文集

韓愈

柳河東文集

柳宗元

李文公集

李翱

元氏長慶集

元稹

白氏長慶集

白居易

樊川文集

杜牧

司空表聖文集

司空圖

六一居士集

歐陽修

范文正公集

范仲淹

范石湖集 范成大

湛然居士集 耶律楚材

吳文正公集 吳澄

牧菴集 姚燧

清容居士集 袁桷

石田集 馬祖常

道園學古錄 虞集

揭文安公文粹 揭傒斯

圭齋集 歐陽元

誠意伯文集 劉基

雙崖集 周忱

青溪漫稿 倪岳

遺山集 元好問

陵川集 郝經

秋澗集 王惲

雪樓集 程鉅夫

雲林詩集 貢奎

清河集 元明善

燕石集 宋娶

黃文獻公集 黃潛

金臺集 迺賢

逃虛子集 姚廣孝

懷麓堂集 李東陽

王文恪公集 王鏊

南濠集 都穆

四部稿 王士禎

天問閣集 李長祥

定山堂集 龔鼎孳

佳山堂集 馮溥

帶經堂集 王士禎

瞻園集 徐乾學

寄園集 趙吉士

愚山集 施閔章

曝書亭集 朱彝尊

鈍翁續稿

湯文正公集 湯斌

桂文襄集 桂夢

鄒元標集

吳梅村詩集 吳偉業

疑雨集 王彥泓

青箱堂集 王崇簡

西陂類藁 宋肇

王文靖公集 王熙

午亭文集 陳廷敬

西河集 毛奇齡

鈍翁類稿 汪琬

對巖集 秦松齡

西溟文集 姜宸莫

魏叔子文集 魏禧

青門集 邵長蘅

天啟宮詞 陳棕

三魚堂集 陸隴其

文端集 張英

有懷堂集 韓茨

敬業堂集 查慎行

查浦詩鈔 查嗣琛

方望溪文集 方苞

懷清堂集 湯右曾

楊文定公全書 楊名時

質園詩集 商盤

畫山樓文集 儲大文

歸愚文集 沈德潛

賜硯堂集 齊召南

紫竹山房集 陳兆崙

道古堂集 杭世駿

笏山詩集 申甫

鮎埼亭文集 全祖望

鮎埼亭外集

小眠齋集 汪沆

小倉山房文集 袁枚

陳學士文鈔 陳儀

紀文達公遺集 紀昀

素修堂詩集 吳蔚光

玉芝堂集 邵齊燾

抱經堂文集 盧文弨

頻羅菴遺集 梁同書

知足齋文集 朱珪

笥河詩文集 朱筠

銅鼓書堂集 查禮

復初齋集 翁方綱

惜抱軒文集 姚鼐

春融堂文集 王昶

潛研堂文集 錢大昕

西莊集 王鳴盛

靈巖山人詩集 畢沅

忠雅堂詩集 蔣士銓

存素堂集 法式善

香亭文稿 吳玉綸

南澗文集 李文藻

兩當軒集 黃景仁

東原文集 戴震

勉行堂文集 程晉芳

南江文集 邵晉涵

雨村文集 李調元

有正味齋詩集 吳錫麒

雙藤書屋集 何道生

實齋文集 章學誠

問字堂文集 孫星衍

研經室全集 阮元

卷施閣集 洪亮吉

船山詩集 張問陶

裕林館詩 葉繼雯

虛谷文集 武億

小峴山人集 秦瀛

試峻堂集 王蘇

碧溪文集 朱文藻

三松堂集 潘奕雋

游道堂集 朱彬

邃雅堂集 姚文田

茗柯文集 張惠言

覺生詩鈔 鮑桂星

左海文集 陳壽祺

淵雅堂集 王芑孫

亦有生齋集 趙懷玉

小重山房集 張祥河

小萬卷齋文集 朱珩

太乙舟集 陳用光

求是齋詩集 胡承珙

今白華堂詩錄 童槐

衍石齋記事稿 錢儀吉

記事續稿

尚綱堂集 劉嗣綰

履齋亭集 祁寯藻

崇百藥齋文集 陸繼輅

鐵橋漫稿 嚴可均

香蘇山館詩集 吳嵩梁

櫻花館文集 路德

程侍郎遺集 程恩澤

窮恥齋詩鈔 宗稷辰

真有益齋文編 黃安濤

禮部遺藁 黃富民

頤道堂集 陳文述

定菴文集 龔自珍

東溟文集 姚瑩

柏枧山房文集 梅曾亮

聽松廬文鈔 張維屏

壺園詩鈔 吳清皋

習苦齋集 戴熙

太鶴山人集 端木國湖

邵亭詩鈔 莫友芝

端虛勉一尺集 張成孫

彭文敬公遺集 彭蘊章

東洲草堂集 何紹基

甘泉鄉人集 錢泰吉

玉井山館集

許宗衡

文選

梁昭明太子蕭統

文苑英華

李昉等

元文類

蘇天爵

列朝詩集

錢謙益

元百家詩

顧嗣立

湖海文傳

王昶

舊雨集

管幹珍

永清文徵

周震榮

國朝詩人徵略

張維屏

鄂城表忠詩鈔

唐詩紀事

計有功

謫塵堂遺集

戴望

文選注

李善

中州集

元好問

玉山雅集

顧瑛

詩觀

鄧漢威

山左詩鈔

盧見曾

宋詩紀事

厲鶚

昭代名人尺牘

畿輔詩傳

陶樸

津門詩鈔

本事詩

孟榮

懷麓堂詩話

李東陽

五代詩話

王士禛

西河詩話

毛奇齡

槐廬詩話

汪沆

全唐詩話

蒲褐山房詩話

王昶

聽松廬詩話

張維屏

雨村詞話

李調元

泰雲堂詞

孫爾準

唐馬君起造石浮圖銘

王叔平王仲堪墓志銘

巴州代成縣新移文宣王廟頌

涿州雲居寺四大部經記

辛齋詩話

陸嘉淑

古懽堂詩話

田雯

宋詩紀事

厲鶚

隨園詩話

袁枚

紅豆樹館詩話

陶樸

蕪鮒詞話

錢芳標

詞苑叢談

徐鉉

花間集

高士鄭忠墓碑

清河張仁憲神道碑

遼乾統重修三河學記

史氏慶源碑

幸勿以贅旒爲誚也光緒丙戌六月李棣林序

光緒順天府志附錄

奏孤貧放欸請改支銀兩疏

奏爲孤貧放欸擬請照案改支銀兩核實散放以期惠及困窮恭摺具陳仰祈

聖鑒事竊照京城兩縣五城原額孤貧九百零六名每名口每月支銀三錢米三斗每季共支銀八百十五兩四錢米八百十五石四斗遇有小建每名日扣銀一分米一升閏月加銀三錢米三斗雍正四年經原任府尹劉於義會同原任步軍統領阿齊爾奏准每季飭令大興宛平兩縣及五城司坊官細查將孤貧名數造冊彙送順天府衙門查核咨部給發銀米由兩縣五城司坊官親身散給若有餘剩銀米給發普濟養濟育嬰三堂收領又乾隆五十九年十月內准戶部知照各衙門應支公費銀兩業經奏明酌籌

積錢案內暫行滿支錢文每兩以一千文核給俟積錢支銷完竣後再行改支銀兩所有孤貧口糧向係照公費之例支給自應一體以錢文改支卽於是年秋季起核明錢數赴部關支各等因先後轉飭遵照歷經按章辦理領放逐年

題銷在案惟查此項放欸向由該縣及五城司坊承辦並由_臣衙門添派教佐首領等官協同稽察_臣等以事關加惠困窮隨時訪問如何散放情形據派出教佐首領等官聲稱大宛兩縣係官同屬尙可彼此期會至五城司坊歷屆奉飭前往稽察各司坊官僉稱業經放竣無從稽核此等恤孤贍貧之項該司坊官斷不忍有所侵染而似此辦法恐難免日久弊生至錢法因時制宜揆之現時銀價每兩以一千文核給無論當十大錢既屬大相懸殊卽以從前制錢核計亦覺爲數不符查乾隆五十九年奏明酌籌積錢

案內暫行滿支錢文每兩以一千文核給原係聲明俟積錢支銷完竣後再行改支銀兩今積錢支銷早經完竣自應按照原奏改支銀兩雖此節係照各衙門公費一體核給現議改支銀兩或同公費一並改支或因公費係各衙門堂司各官所領出入所關者小而孤貧每月三錢之項直若與性命有關專議將此項查照原奏改支銀兩則司農之度支所增無幾而孤貧之生計裨益良多似亦推廣

皇仁之一端也應請

飭下戶部核議自光緒九年春季爲始按原額孤貧九百零六名每名口月支銀三錢之例查照乾隆五十九年奏定原案改支銀兩領放至如何核實散放務期實惠及民之處再由_臣等詳細擬定章程飭令兩縣五城司坊官及協同稽察各員遵照辦理所有

孤貧放歛請照奏定原案改支銀兩緣由理合恭摺瀝陳伏乞

皇太后

皇上聖鑒謹

奏

奏順天府署建設候質公所疏

奏爲順天府衙門建設候質公所以杜私押諸弊擬請照案歲提經費日支口糧恭摺會銜具陳仰祈

聖鑒事竊念詞訟之累民最甚而各案之原告牽連之人証及戶婚田土無關罪名之訴訟其無辜受累更爲可憫京畿地居首善廣土衆民易滋訟獄加以旗民有交涉二十四屬有上控兼之戶部刑部都察院內務府步軍統領及五城察院各衙門常有移交案件除應禁應押外一凡應候質訛諸人有時令取保而保人難

得將結案而案証未齊羈候遷延弊端恐由此叢生卽日用亦何以能給至於大典宛平兩縣於不應管押不能保釋之人不得已而派差看守謂之差帶益易滋弊京師之諺有曰不怕宛平縣只怕到後店店以棲止並非羈囚之地而有此語必非無因是以周家楣於前任府尹時往往就案提查訪察於宛平縣左右地方跡疑近是者逐加搜剔經前任宛平縣知縣王啟俊蔡壽臻於署東弓租民房以棲案證並黏告諭倘有差役爲虐卽令大聲呼喊該縣卽聞而親究其弊漸革此次到任復加體察於接見僚屬時舉以相警仍恐耳目未及之處或於僻靜地方民舍僧寺竟作此惡慮無從偏爲搜訪大興縣知縣趙文粹謂設候質所凡順天府及兩縣案證等人悉棲於此詳立章程專員管理與治中及兩縣彼此稽察核對可除此弊_臣等公同商議所見皆然卽合經歷范

思本相度地基逐一布置於府署頭門內迤東適有隙地可就營建遂各捐款興辦於本年三月二十二日開工六月杪工竣共建房屋二十二間并備木版潤榻及應用棹橈器具妥定章程遴派明慎正印委員兩員刊給木戳鈐記駐所專司其事自七月初一日開辦所有順天府衙門及兩縣無關罪名應候質訊各人證均於此棲息臣周家楣於每日進出署門胥經其地即可就近查察每案交收提還各憑刊印驗票編號標明時刻一有不符及中漏號次遲延時刻立即嚴究按舊管新收開除實在四柱十日一報臣順天府衙門查核治中兩縣與委員彼此往返逐案逐人稽核有無挂漏弊混在所稍有弊端准其就近喊訴庶幾私押之弊從此可除仍飭府署獄局及治中大宛兩縣於所訊各案速爲清釐勿因在案人等居處可安稍任延宕至於在押在獄案犯並飭各

屬一體加意矜恤以廣

仁施而重民命伏查光緒二年二月貴州巡撫黎培敬奏設軍民待質公所請推廣各省一體照章准予提款籌辦所需經費從藩庫撥款方可經久每名口食錢糧若干文按季支銷各節奉

旨該部議奏旋經刑部等部議覆請

旨飭下各直省督撫府尹各就地方察看情形可否倣照籌辦詳

細查明具奏是年閏五月二十五日奉

旨依議欽此臣等察看地方情形亟應照辦況在京畿親依

輦轂尤應仰體

皇仁俯恤民隱惟因順天府衙門鮮可提之款業經酌歸捐辦除順天各員捐款外並據鹽運使銜候選知府王海捐銀壹千兩該員尚有另案捐款應俟另行陳奏謹將順天各員捐數開單恭呈

御覽至於各名口應領食米按季咨部由京倉預領核實報銷所需常年經費核計每年需銀六百兩照案由直隸藩庫撥解以期經久所有順天府衙門照案建設候質公所緣由謹會同署直隸總督臣張樹聲合詞具陳伏乞

皇太后

皇上聖鑒恩准施行謹

奏

奏開辦京城平糶疏

奏爲開辦京城平糶恭摺具陳仰祈

聖鑒事竊照本年順直水災太廣京城糧價日昂經巡視中城給事中安祥等會陳救荒之法平糶爲亟擬請撥款購米運京設局平糶等因欽奉

諭旨著戶部速議具奏經戶部奏覆請

飭直隸總督於機器局經費項下撥銀四萬兩洋藥稅銀項下撥銀四萬兩各省將軍督撫於洋藥釐金項下酌提銀一二萬兩或採買米石或撥解實銀迅速運赴天津由直隸總督李鴻章查照光緒三年採購奉天米粟成案購辦運京並分顧順天採置米石經過關卡概行免徵稅釐行知崇文門監督嚴飭胥役不得苛索阻撓至應如何解京設局如何定價發糶請

飭直隸總督順天府府尹遴選得人速議妥章奏明舉行等因奉旨依議欽此經李鴻章派員赴京妥商一切並與臣畢道遠臣周家楣往返函商會同奏陳以北省民食本以雜糧爲宗惟京城情形稍有不同流寓者慣食大米麥麵貧者多食雜麵若運往高粱小麥等項必須發交糧鋪碾磨出售糧鋪居奇盤剝流弊滋多上

屆堆儲雜糧無甚銷路遂減價轉發糧店承售出糶虧折價脚不
少而於窮民生計仍未必有所裨益此次順屬災狀既重貧民過
多賑撫至急是以戶部議令分顧順天實為救荒全局起見若以
指撥直隸之欸先行湊辦順屬賑撫則近畿一帶赴京就食之民
自少順天奉撥京倉米四萬石因災區積水未退由京領赴各屬
運費浩繁欸無所出且節節阻滯一時亦未易轉運擬請將此項
米四萬石暫存京倉俟察看情形陸續領出以供京城平糶或用
粟米或撥稷種隨時由府尹臣酌度各商倉場辦理仍於平糶之
外酌撥近京州縣濟賑及留備來年春撫之需各省關協撥銀米
並以籌備順直賑撫為大宗量力兼營平糶如此斟酌變通庶順
屬災黎可期迅速拯救而京城平糶亦得隨宜酌辦如蒙
俞允卽由臣鴻章將另行籌撥銀十萬兩解交臣道遠臣家楣及

時濟賑其平糶事宜卽由臣道遠臣家楣就近籌辦於事較便容
再妥為察酌何時應行開辦卽遴派委員擇定地方切實經理至
各省關協濟銀米各欸仍當會同催解撥用等因奉
旨著照所請該衙門知道欽此又於九月十五日奉

上諭御史文海奏糧價日昂請設局平糶一摺聞奉天收穫甚豐
請飭李鴻章委員前赴奉省採買雜糧運至通州由順天府派員
接運來京設局平糶等語著李鴻章酌度辦理欽此由直隸督臣
李鴻章咨行臣等查照察酌籌辦臣等悉心商酌京城內外地面
分隸步軍統領及五城御史戶部原議應如何解京設局如何定
價發糶既經奏准由直隸總督及臣等遴選得人速議妥章奏明
舉行直隸督臣與臣等會陳奏准由臣等就近籌辦則何處設局
應先議定隨卽面商步軍統領臣麟書以應照成案由外城設局

爲宜謂內城無須設局復經定期與五城御史面議並經往返函商飭_臣等派出辦理平糶委員糧馬通判周之辰候補同知周文全候補通判馬序東與五城委員擇定正陽門外之虎坊橋天和館及崇文門外之磁器口舊糧店先行分設兩局所定糶價由_臣等與五城御史先定開辦出糶之價以後每十日察看情形隨時增損發糶之數每人所糶以十斤爲限每局每日以五十石爲準所需之米先以京倉粟米並咨商倉場於四萬石撥米中改撥粳和一萬六千石運出分別開糶至需用雜糧俟開設後由_臣等與五城御史察看情形需用何項雜糧擬先由_臣等就近購運若干到局試行出糶如果所購旺銷卽由_臣等知照李鴻章派員前往奉天採買以免購多銷滯空費巨欸之弊一切運費經費及各員薪水由_臣等先從賑欸墊撥俟各省關協濟賑糶銀兩解到再行

各歸各欸_臣順天府衙門於派委各丞倅辦理外並添派佐雜常住局中隨同經理各局應用司賬量米收錢換銀各項經管人等由_臣衙門委員募充另由五城派員隨時稽查彈壓所收糶價按日分報順天府及五城查核並由各衙門分飭兵役彈壓開辦日期卽以十一月初一日爲始此_臣等與五城御史會議辦法之大概情形也至於各省關撥濟賑糶各欸戶部原議解運天津由直隸總督派員採辦並分顧順天_臣等與督_臣李鴻章會陳則以籌備順直賑撫爲大宗量力兼營平糶此時順直冬撫雖經舉辦分撥各州縣欸項亦時以災重欸少稟請增撥所需能否勉敷尙難核計兼之春撫需欸甚巨平糶經費運費採辦各需均須開設後察看情形辦理經_臣等函商李鴻章平糶賑需各分協欸一半備用由李鴻章統收分撥現在_臣等與五城御史已經商定開局日

期應卽飭令_臣等派委各員會同五城派員安置一切屆時舉行
一面知照督_臣會催各省關協撥之欸以資採運一面知照五城
出示曉諭如有隨時商辦事宜再由_臣等會同籌酌以期糧價得
平人情安貼並咨步軍統領飭令營汛各官會同彈壓及咨倉場
改撥米石以符原議所有_臣等開辦京城平糶情形理合繕摺專
陳是否有當伏候

皇太后

皇上聖鑒訓示謹

奏

奏統陳順天境內辦理各工疏
奏爲通州運河兩岸堤埝去秋被水漫缺現經撥欸以工代撫並
將和各莊疊道工程一併興修以資保衛恭摺陳明仰祈

聖鑒事竊照本年順天境內應辦各河工隄工所有通州張家灣
迤東之北運河應辦新河各工業經_臣等會核籌辦奏陳

聖鑒在案其文安大城堤工係督_臣歷年派員興修仍由督_臣派
員辦理順屬最大最要之工以北運河青龍灣及筐兒港兩減河
暨沿河堤工並寶坻薊州河堤各工關係直順大局此項工需用
至參拾餘萬兩由部庫撥銀五萬兩督_臣協撥銀壹萬兩外均由
順天賑需撥用緣河工爲督_臣專責商由督_臣籌定辦法遴派大
員督辦應由督_臣詳悉奏陳鳳河工程欽奉

諭旨飭籌疏築計工需累經詳勘應用銀貳萬四千餘兩由順天
賑需撥銀壹萬兩外均由督_臣籌撥應由督_臣會同_臣等奏報此
外宛平縣境龐各莊一帶壹百貳拾村溝洫由
欽派監放粥廠大臣太常寺卿徐樹銘就近籌辦由_臣等撥米以

工代撫霸州之中亭北堤六郎堤雄保交界之貓兒灣清河北岸
缺口均由

奏明留辦賑務分發補用道金福曾督同各該州縣印委各員一
律修築涿州之永樂等村堤工普利壩工由該州知州查光泰稟
請撥款修築欄柳等村溝渠各工由該州商同協賑南紳助教銜
候選訓導嚴作霖相度開濬先後工竣以及一切橋梁道路隨時
籌辦者統歸於春撫工撫案內次第辦理不及專案奏報茲查通
州運河兩岸堤埝及各莊疊道爲附近各村保障上年水勢漲
發異常致有漫溢沖缺處所必須一律修築方爲妥協惟前項工
程本係民築民修現因工程浩大災民困苦力有未逮委難循舊
捐辦而事關漕運民生未便因需款較鉅稍事延緩經_臣等商酌
飭委通永道薛福辰派委熟悉工程之員會同通州知州切實估

計核入春撫案內妥爲辦理去後旋據通永道薛福辰稟稱據該
委員等詳加勘議此工東岸自李辛莊起至小屯止計工長四十
餘里西岸自蠻子營起至南定福莊止計工長二十餘里兩岸沿
河堤埝均經上年伏秋大水沖缺盪平存者寥寥若無此堤埝約
攔一遇河水出槽兩岸居民田廬卽有漫淹之患今擬撥款興修
以工代賑力圖保衛以全數十萬生靈惟詳度形勢通州城基地
勢較低若下游兩岸堤埝太高恐一遇河水漲發難免無下壅上
漫之虞通城爲倉儲重地關繫甚鉅尤宜上下兼顧徹底勘估裁
灣取直總以距河百丈卽至近者亦須五六十丈修築堤高五尺
頂寬一丈底寬三尺爲度總不得高於舊堤放寬河身不惟河水
漲發時該處堤埝賴距河稍遠易爲修守而下游河面展寬水行
暢達上游通城亦無漫溢之患庶爲兩顧之計惟認真核實勘估

兩岸約需土方亦在十萬方內外即以每方價約銀八分計之需銀八千兩上下經費已屬浩大此外尚有應修和各莊疊道工程爲費亦屬不貲等情稟請核示前來_臣等查前項工程雖需費較多而獲益良非淺鮮既稱民力實有不逮未能循舊捐修自應及時籌辦以工代賑俾利漕運而恤民艱當由順賑項下籌款照撥銀八千八百八十二兩七錢飭令該道督同各委員切實經理妥爲修辦茲據該道詳報工竣並派東路同知郝聯薇驗收委係工堅料實應請照案免其造冊歸入春撫工撫案內列單請銷理合會同前大學士署直隸總督_臣李鴻章恭摺具陳伏乞
皇太后
皇上聖鑒訓示謹
奏

奏光緒九年順天水災籌辦賑撫收支米糧銀錢棉衣照案開報
疏

奏爲查明光緒九年順屬水災籌辦賑撫案內收支米糧銀錢棉衣實數照案開單彙報恭摺

奏陳仰祈

聖鑒事竊照光緒九年順屬被水綦重且廣當經_臣等查明通州等州縣被水輕重情形亟籌拯濟渥蒙

特恩撥漕備撫復經_臣等於是年七月十五日奏明將光緒二年災案賑餘銀一萬五千四百三十餘兩酌量災情選派委員延請紳士攜銀分赴各屬會同各牧令妥爲辦理並於摺內聲明事竣將動用實數開單奏明援照光緒四年水災成案免其造冊報銷在案旋於光緒九年八月初四日欽奉

皇太后懿旨賞撥中秋節欸銀五萬兩十一月二十三日欽奉
特旨飭部撥發順直賑需銀四萬兩內分順天銀二萬兩又蒙
聖恩累次截留江北漕糧並

賞撥京通各倉米石分撥賑撫

隆恩曠典實為極優至渥嗣經巡視中城給事中安祥等會陳救
荒之法平糶為亟擬請撥欸購米運京設局平糶等因欽奉

諭旨著戶部速議具奏經戶部奏復請

飭直隸總督於機器局經費項下撥銀四萬兩洋藥稅項下提銀

一二萬兩解由督臣購米運京分顧順天等因奉

旨依議欽此即經督臣李鴻章與臣畢道遠臣周家楣往返函商

擬將順天奉撥京倉米四萬石以供京城平糶各省關籌撥銀米
並以籌備順直賑撫為大宗量力兼營平糶商經臣等奏明擇地

先後開設平糶六局並添設六鎮五門粥廠及各州縣災區粥廠
共五十餘處一切運費經費暨採辦各需並委員薪水等項統由
順天賑欸內陸續籌撥嗣以各屬亟撫冬撫春撫以工代撫及應
需各欸為數甚鉅值此

帑用殷繁部欸支絀勢難節次請撥不得不設法籌備以應急需
當經臣等函致京外官紳陸續集捐協濟隨時收入賑需湊用統
計集捐為數不貲除已經各省督撫自行奏請

賞給獎敘外其餘捐賑員紳銀至千兩以上者亦經臣等奏蒙

聖恩給獎行知並照戶部奏准收捐貢監銜封隨時咨由戶部給
照在案至順天境內應辦河工堤工以北運河青龍灣及筐兒港
兩減河暨沿河堤工並寶坻薊州河工關係直順大局此項工需
共用三十萬兩上下由部撥銀五萬兩督臣協撥銀一萬兩外均

由順天賑需撥用緣河工爲督臣專責商由督臣籌定辦法派員督辦所有工需報銷應由督臣開報以符定制又收戶部會同臣等議覆張人駿條陳案內撥順賑需銀五萬兩又順天捐局收捐職銜貢監共銀三萬六千六百六十兩又收直隸督臣奏撥練餉制錢合銀十萬兩又收直隸籌賑局分撥各省協濟糶賑銀十二萬六千餘兩均經收入賑需撥用統計光緒九年水災案內連捐集各欸共收銀九十三萬三千八十兩四錢六分七釐零又收奏明動用糶價京大錢二十一萬九千四十八千七百四十文又收撥欸成做並集捐棉衣五萬一千一百十五件統共支發銀八十三萬一千三百九十三兩九錢一釐零京大錢二十一萬九千四十八千七百四十文棉衣四萬六千一百五十一件計應存銀十一萬七千一百二十一兩二錢三分一釐零棉衣四千九百六十

四件又收粟米十四萬石老米一萬石漕米八萬石白米一萬二千三百九十五石八斗三升南米四千四十石高粱一萬六千六百五十石白麵三萬三千斤共發粟米十萬九千七百三十石老米三百石漕米八萬石白米一萬二千三百九十五石八斗三升南米四千四十石高粱一萬六千六百五十石白麵三萬三千斤計應存倉粟米三萬二百七十石存倉老米九千七百石又糶剩粟米三千四百五十六石四斗二升老米一百四十二石漕米二千九百二十二石九斗六升白米三千六百九十一石二升以上放剩銀米棉衣已歸入本年各屬賑撫並協撥山東江西等省賑欸動用除另案續奏陳明外臣等查直隸嘉慶道光年間辦賑皆照定例各給兩箇月三箇月口糧奉撥銀米每至百數十萬近因帑藏支絀未能照例給賑上年近

畿地方災廣費鉅兼賴集捐接濟所設粥廠糶局因本年夏間雨少糧貴直至本年八九月間始行先後停撤各廠就食外來災民亦經陸續資遣歸耕一切收支各款均由_臣等督飭官紳核寔經理現開各單皆係實用實銷並無浮冒除京城各門各鎮仍照向章冊報外相應將收支各寔數遵照上年七月十五日奏明免其造冊原案分開清單恭呈

御覽仰懇

天恩俯予照案准銷免其造冊以期荒政簡而易行則任事可無顧慮於拯救民生良有裨益理合恭摺具陳伏乞

皇太后

皇上聖鑒勅部知照謹

奏

奏通州改設官車局疏

奏爲通州車頭歷久滋擾現擬改設官車局遴委委員核實經理以恤閭閻而安行旅恭摺陳明仰祈

聖鑒事竊查通州地當孔道差務絡繹應用差車綦煩而車頭由是滋弊擾累閭閻行旅幾至無車不孥以致蕩平道路人皆視爲畏途由是控告車頭之案層見疊出雖經隨時究辦屢次切飭該州立章補救出示戒懲無如積習相沿罔知畏法溯查前直隸督_臣方觀承以通州車差滋擾曾經力求整頓仍未能諸弊盡除或昔所裁革今日復然積重難返終不能祛若不明定章程設法整頓實爲地方之害現經_臣等飭行通永道薛福辰實力釐剔弊端並令設立官車局將津貼各項悉數歸公其瑣屑不堪者去之永革車頭名目另立公所選派賢員會同紳士妥爲經理所有應差

之車先由局自行置備車驟支應尋常無多之用其需車較多要
差應將各車編列號次輪流雇用杜豪強之包庇恤鄉儒之拖累
應給車價責令按日按站實給統由官車局官紳經理其事不假
丁書之手仍隨時嚴密訪查如再有妄拏車輛情事一經訪獲定
卽從重懲辦如此明定章程變通辦理庶錮習可除而民不擾於
閭閻行旅均有裨益惟此事乃丁胥豪猾所恨此時之阻撓以後
之謠詠皆在意中臣等未敢因此猶豫置民生疾苦於不問除飭
催通永道趕緊籌辦定於本月二十五日開局經理外所有禁革
通州車頭改設官車局派員經理各緣由理合繕摺奏明伏乞

皇太后

皇上聖鑒謹

奏

飭順屬被災情形核明稟報札

爲通飭事照得本年順天各州縣水災雖情形不一而極重之處
實有近年所未見者現在亟求拯濟已擇極重極苦之處酌撥銀
兩隨宜設法拯濟以後卽應辦理賑撫大局向來災至六分以上
者應分別輕重分數給賑五分以下雖例不辦賑仍須酌予撫恤
或設廠煮粥以拯極貧或出示平糶以資日食或酌予緩徵以紓
民力前據各該州縣稟報災情卽飭各該廳派員勘明被災分數
稟報核辦此時立待通盤籌畫此節刻不容緩至被災村莊及各
該村莊應賑戶口均應一一詳實查明以資核給賑撫惟待查明
戶口後再行籌請

天恩撥銀撥米必有不及現於亟濟之後統辦賑撫大局必先有
所憑藉方能豫爲通籌至各被災處所凡有房屋被沖衣履全失

秋風起矣嚴寒洊至無衣卽恐無命則棉衣在所應備此等極苦災民計有若干亦應分別查明具報此番元氣受傷明年待到麥收亦有青黃不接中間尙須調劑以上一切應查應辦情形深恐遲延誤事現在惟寶坻稟明賑米三萬石而以米不如折普賑不如以工代賑惟有不能工作之老病廢疾孤寡孩幼必須另籌辦法通州援成案用米七千石及運費銀四千兩爲請此外各屬尙無核計必需銀若干或米若干或需銀又需米若干稟報之件爲此飛飭該道廳轉飭各州縣迅速切實核計本境災情必需應用之數立即逕稟本衙門以資籌畫如各該州縣有災不訴所訴不實及籌請之數不足拯濟將來或領銀領米後不能盡心實惠及民致有捏冒遺漏可救不救救非所救皆各該州縣之咎若各該州縣災實必訴所訴必實籌請之數足以拯濟而本部院堂不能

照數籌備俾能盡心紓災活人則係本部院堂之咎寤寐各求所安災黎環集而視天日鑒之鬼神知之爲此飛飭該道廳轉飭各州縣各殫心力遵照迅速核明稟報毋得稍有拘泥遷延致悞賑濟大局至於各州縣必有公正才能紳士可以邀訂辦事必有急公好義之人可以捐助應由各該州縣善爲誠請慨勸各屬賑撫各有隨時隨地之宜其有各村積穀各州縣積穀可資粥賑或積穀不足煮賑應由官接濟由紳富捐湊者應各就所宜籌辦尤應及早剴切曉諭宣佈

皇仁務使安居本境必能就地妥爲綏輯斷不忍聽其飢寒不爲之所若一輕出求生轉致遺漏賑撫雖悔何追萬勿流離到京尤爲至要切特札

飭各屬水災通籌賑恤條款札

爲通飭事照得本屬各被水災區現在通籌賑撫大局所擬辦法各條開列於後

一開辦賑撫首在確查各村莊被災分數其應賑應撫之村莊實在極苦戶口若干其次戶口若干或請銀易錢散放或請米散放及設廠煮粥散放或以工代賑代撫方能各照情形確覈分別辦理

一此次急濟以後凡應賑應撫之村莊戶口應計共若干里應以十里立一粥廠每廠於十里中公舉一公正才能紳士管理其分助之人卽由其分延幫辦每日覈計就食若干人應用若干米由官請撥賑米濟以各縣各鄉積穀並就各縣有力之戶勸捐助濟總使各得就近就食免致遠涉其被災極重而合計村莊不及十里者亦應酌設俾無偏枯災重各州縣並於四門設

立四廠以資城中極貧就食

一極貧之戶自不得不就粥賑而有寒苦士人就粥廠則退然思阻求果腹則苦於糧貴此中苦情亦堪憫惻應於災重各州縣官爲平糶延舉正紳及有守有爲之教佐經理其事照未災以前糧價出糶所收本銀仍復購糧接濟每糶不過三升核計開辦以至收局應折價本銀兩若干酌由官撥紳捐項下給發其市上糧價應勸其不可居奇仍不得強爲抑勒以致商賈裹足一災重各州縣有大工應辦如築堤濬河之有裨大計者應由各該州縣稟明以工代賑代撫分別請銀請米並勸捐接濟惟老幼廢疾孀婦室女等不能作工之人應另行查明撫恤

一此次水災太驟有屋舍被沖衣食一空之戶目下急濟已過各災民是否各覓寄居處所或尙可修葺居住或應覓地搭蓋棚

賑濟元附錄
一 賑以資度寒棲身之計均應逐一查明計議且轉瞬嚴寒游至無衣卽恐無命其稍得生計自能力食及奉發賑撫錢文可以勻出購製棉衣者尙可自謀然其中必有極難極苦之人一襖一袴無從購備此等災民應豫備棉衣屆時發給各該州縣有好善樂施之人應廣爲勸捐豫備

一 水災之處粥廠就食人多易滋疾病應官施醫藥

一 被水沖溺之戶有一家僅遺十歲以內男孩無人撫養者應由官爲撫養資送京師廣仁堂讀書學藝有一家被溺僅遺在抱幼孩及十歲以內女孩應官爲收養資送京師廣育堂分別收養給乳

一 被水之處有遺骸未葬墳墓被沖者應分別棺埋修葺

一 水退之後亟謀播種其中有實在無力自備籽種之戶應酌量

給助其次者酌量借給俟收成歸還應擇各公正首事分別查明辦理

一 人心之善皆同遇此奇災不論力之盈絀均思濟助除爲數無多由其量力爲善無從請獎外其捐有銀錢糧食棉衣核有成數可援照直隸賑捐章程給獎者應稟明本衙門奏請虛銜封典等獎以資激勸

以上十條該州縣各就本境所宜迅速詳細體察稟明核實籌辦其有各條內未經議及之處尙有應行籌辦事宜均應詳悉體察稟明辦理並應剴切曉諭務使各災民就地綏輯勿致流離到京轉於本境賑撫有所遺漏切切特札

飭各屬量撥賑銀米札

爲通飭事本屆賑務自被災以來卽行通飭詳實開報災分戶口

有災必報報必實需銀需米有請必足乃至今各屬稟報未齊或有大概情形而無災分或有災分而無戶口或有戶口亦祇憑鄉保首事造送之數卽請撥銀米迄今尙未到齊試問憑何分撥辦理若必待催齊戶口再行准定撥銀撥米則時已入冬豈不置災民於死地爲此酌照天津籌賑局辦法酌定數條抄粘於後只得照此實力辦理庶尙有濟至此據各州縣請撥銀米核及村莊數目災分輕重以極廣之寶坻極重之武清爲準寶坻被水九百一十一村有十分一百七十村九分二百二十三村原請米三萬石會奏摺內已聲明應行核減而災區旣廣力求足敷拯濟仍予照准所請米折三萬石除先領亟撫銀四千兩應再放銀三萬八千兩如有紳賑到順再行指請到境協賑武清原開手摺祇請米二萬石此次來稟請米四萬石煮賑另請柴薪銀一萬兩卽有續增

情形豈能加倍揆度情勢自難逾寶坻所請之數先後所開被水村莊統計被水村莊七百五十九村卽云災重而數較寶坻爲少應准照寶坻米三萬石煮賑本指五分以下之災似此重災豈煮賑所能辦給應給米折銀除已放亟撫三千兩又一千五百兩以外再放銀三萬七千五百兩如酌度情形實係缺米就中酌請本色若干石准撥京倉粟米又有紳賑已到攜銀三千兩已准來信續會銀一萬兩因續報各村亟需撫卹並於此一萬兩未經會到墊撥銀五千兩俾資應用以後隨時接濟又由本衙門撥給棉衣一萬件又購運柴薪高粱減價賤售又由薛道稟請每村酌建茅屋六七間以資棲止並准籌辦又有京紳設河西務粥廠所費均在外科計稟請四萬之米一萬之銀數已過之通州被水三百六十七村前經陳牧援照舊案米七千石銀四千兩爲請應准撥京

倉米七千石銀四千兩以其所請較少前撥亟撫銀二千兩無庸扣除並由本衙門酌撥棉衣五千件屆冬令發交擇無衣尤苦之人核實散放並有城內例設粥廠本年加請米石另有京紳設張家灣粥廠以資酌劑薊州被水四百六十二村請米二萬石並請銀八千兩比較寶坻武清所請較奢該州領米不便所需運費太大從寬照准給米折兩萬石除已給亟撫銀三千兩外再放銀二萬五千兩三河被水二百五十三村情形較輕准如所請撥京倉米五千石銀三千兩如以津米已無可撥京倉米艱於轉運煮賑又不適用應准領米折銀同原請之銀一並查實散放錢文亟撫銀一千兩無庸抵扣甯河被水二百五十九村災分尙輕准照所請撥京倉米四千石所請銀二三千兩即准給三千兩所請之米如領米折亦聽其便香河被水三百十五村若以寶坻相較祇應

請米一萬石且已發亟撫銀四千兩所請米二萬餘石銀千餘兩如果照給無以對寶坻從寬不扣亟撫銀兩准給一萬五千石米折銀兩此東路各州縣撥欸着通永道東路廳通籌詳核如有必應增撥之處稟明核辦文安縣來稟請米三萬石銀二萬五千兩經費運費在外並亟撫銀三千兩本衙門先已撥銀一千兩前往探明災情即行拯濟嗣又撥銀三千兩已逾所請之數又發搶險米麵價值另購柴薪濟急該令稟內所述十分災五十一村九分災一百二十八村七分災二十六村六分以下一百二十七村情形原重而比照上年一萬餘石此次應請加倍既云加倍則應二萬石所請三萬當係筆誤既已請二萬米數何以又須銀二萬五千兩亦未聲明其故恐未知有請必准之苦心姑爲此說以待核減現已撥定津局米一萬二千石其八千石准給米折仍擬扣去

亟撫銀四千兩以如原稟加倍給賑之說今加核災情並免扣抵
亟撫銀四千兩仍給米折八千石銀兩大城稟災村約略其詞謂
縣屬二百八十餘村被水者十居八九今始稟明被災二百九十
五村以寶坻例之米不應滿萬所請米一萬五千石銀六千兩從
寬撥定津米八千石其餘七千石准給米折先發亟撫銀一千兩
已批明應扣今加核災情仍准免扣保定所請米二千五百石米
數不多以村莊甚少災分亦輕已撥定津米二千石以其最稱瘠
苦米數亦少所需運費准其核實請領以上三屬去本道較遠因
籌賑局金道駐工最久辦賑最熟已一面屬其督辦賑務一面商
請督閣部堂札委辦理以文大多年被災恐從寬給賑尙有未敷
另由金道攜江浙閩廣善捐賑欸前往自賑又撥天津舊存賑欸
銀一萬兩由金道於文大兩處另加紳賑如果文大官賑應添撥

銀兩亦由金道核請正辦札間據金道共請撥銀三萬四千兩除
已撥舊存賑銀一萬兩外准由籌賑局續撥銀二萬四千兩備文
大寶三屬賑需另撥一萬兩辦理平賣柴薪等用已撥五千兩其
餘五千兩候續撥霸州先經本衙門延友撥銀一千兩辦理亟撫
用過八百餘兩又經藩司撥銀一千兩亟撫均無庸扣抵照該牧
所請米五千石已由津局撥定運米經費銀二千兩津米到霸由
籌賑局給費由霸分赴各村照籌賑局舊章核計無須二千兩惟
該牧所請不奢如有所餘即可酌量放錢或備棉衣之用固安請
撥米八百石照撥京倉粟米或領米折聽便東安請銀二千兩准
其照撥此南路稟請已到各屬撥欸西路涿州已撥亟撫銀一千
兩所請撥米六千石已撥定津局三千石京倉粟米三千石銀六
千兩照撥良鄉請撥銀二千兩房山請撥銀一千兩均准照撥此

西路各屬撥欸北路順義被水一百四十八村莊所請米六千石
准其照撥京倉粟米如領米折亦聽其便銀二千五百二十兩准
其照撥仍准照北路廳所籌賑務諸條酌量辦理以上各該州縣
撥欸著霸昌道南路西路北路各廳通籌詳核如有必須增撥之
處稟明核辦永清懷柔大興宛平密雲侯續據稟請再行核撥其
放米運費及委員薪水經費章程照粘抄各條遵照辦理本屆災
情旣廣且重上荷

皇太后

皇上深仁厚澤撥銀撥米並承戶工部及言路之協籌各省督撫
紳士之助濟督閣部堂之寬撥廣籌本堂殫竭心力百方籌維極
情呼籲始得定此大局各道廳務須切飭所屬共盡知能各殫天
良勉求實際各該州縣鑒此苦衷共拯民命稍有不當參撤立至
所不待言且天其容之鬼神其聽之乎爲此通諭知之再現據永
清請撥米五千石銀四千兩懷柔請米一千一百六十九石二斗
八升米折銀七百一兩五錢六分六釐一併照准辦理特札

八代水... 百一... 正... 六... 一... 百六... 十...

高大京兆

萬鵬

莅任年餘廢政具舉以是書流傳未廣籌款重印

百部遍頒道廳州縣俾識掌故而資觀感惟原板尙多亥豕之訛

命州牧林紹清縣令殷謙謝裕楷錢錫棠魯人瑞熊以功覆校全

書而命

光泰

暨署大興縣劉枝彥宛平縣蔡壽臻綜理其事于是

林與殷分校地理食貨人物諸志魯與熊分校京師官師諸志謝

校經政故事志錢校藝文金石志劉校河渠志之水道河工蔡校

人物志之先賢傳未數月諸人皆遷擢出都校對甫畢未盡精詳

光泰

爲之總校詳查史籍志乘計改削添補之字二千四百有奇

官師表之近今三十年並爲校正涉疑似者闕之惟天文表暨田

賦等志林紹清核算精密恐刊改太多原板滅裂特刻校勘一紙

各附卷末以資考證其他尙有疏漏未暇再校亟付手民刊削完

善並誌顛末光緒十五年正月順天府治中海昌查光泰謹識

